

四庫全書

經部

欽定四庫全書

經部
待軒詩記卷三
四

詳校官監察御史_臣曹錫寶

通政使司副使_臣莫瞻菴覆勘

總校官進士_臣朱鈴

校對官中書_臣潘庭筠

謄錄監生_臣王涵

欽定四庫全書

待軒詩記卷三

明 張次仲 撰

國風

魏虞夏所都地在冀州鄭譜但云周以封同姓不知何人後為晉獻公所滅今山西平陽府解州等地

劉公瑾謂先儒以魏為文王單公高之後水經注故魏國城南去大河可三十里北去首山十餘里蘇

子由曰魏地入晉久矣其詩疑皆為晉而作故列于唐風之前郝仲興曰五霸晉繼齊魏為晉滅故先

魏而後晉

葛屨

序刺褊也

音申公曰魏之內子儉不中禮腰者怨之作此上無寬大之政則下有褊急之俗

禮新昏者期不使而婦之在家亦三月不執婦功此詩益妾媵怨其內子之褊急而作也

糾

音九

糾葛屨可以履霜

音糾

摻女手可以縫裳

音要

之褊

音褊

之好人服

音北

之好人提

音題

提宛然左辟

音避

佩

其象褊

音熾又音替

維是褊心是以為刺

音興也魏之褊急不止一人之褊急

不止一事舉一事以見其人舉一人以見其餘此詩旨也此詩向作二章今味詩言宜為一章糾三合

繩也糾糾經擾之意更葛屨冬皮屨葛屨非履霜之物今葛屨既故復以繩糾纏之而謂可以履霜摻

鶴纖纖也婦未廟見曰女裳男子之下服娶婦三月
然後執婦功女非縫裳之人而謂可以縫裳一則時
已過而欲用之一則時未及而預使之此卽儉不中
禮序所謂褊也要裳褊褊衣領裳統于要衣統于褊
此句卽從上縫裳來好人謂內子服服此要褊也提
提安舒貌宛委曲貌讓而辟者心左古以右為尊也
拈所以摘髮以象為之謂之象拈婦人之雜佩不一
今所佩惟象拈亦簡朴無華之意詩言此好人進止
非不安舒遜讓非不有節服飾非不雅素維是心體
褊急不能容人是以妾媵刺之玩夫子錄此非徒為
婦人立閨戒也聲音笑貌不可以為恭儉項羽見人
有疾煦煦撫摩人有功當賞卽不與漢高輕士謾
罵士之有奇謀異計者輒歸之固知尊賢
下士全在中心之好不在區區形跡間也

汾沮洳

序刺儉也

續序其君儉以能
勤刺不得禮也

彼汾

音楚沮聲

洳音儒

言采其莫

音莫彼其

音記

之子美無度美

無度殊異乎公路

賦也汾水名出太原晉陽山西南入河沮洳水浸處下濕之地莫萊名可

以為美無度言不可尺寸量也公路掌公之路車者愚玩記言素富貴行乎富貴王謝家子弟固不宜擊

珊瑚服大浣作富貴驕人態度然襟捉肘見亦非冠裳氣象故詩言若此人者美則美矣其儉嗇褊急之

態殊不似貴人故曰刺儉陳弓父曰采蘋采藻皆君卿家佳事而此獨以為刺者何也昔公儀子相魯

拔園葵去織婦曰卿大夫而與民爭利難乎其為下矣故國奢示之以儉國儉示之以禮采莫采桑貧民

勤儉之事居官之禮不宜若此故曰殊異殊異者猶言甚異也詩以河汾為言者魏城南枕河曲北枕

汾水
故也

彼汾一方言采其桑彼其之子美如英叶美如英殊異

乎公行

音杭 草木之華曰英如英言形容華美如英之可覓 公行公車行列也 晉語趙文子冠名武

朔之子見樂武子武子曰美哉昔吾逮事莊主莊朔之謚也事之故稱主華則榮矣實則不知請務實乎

韋注云華者有色貌也此如英如玉之一證

彼汾一曲言采其蕒音彼其之子美如玉美如玉殊異

乎公族

蕒如續斷寸寸有節非澤瀉也如玉言質性溫潤如玉之可寶 公路與公行一也以其主君路

車謂之公路主君兵車之行列謂之公行主君同姓昭穆謂之公族公族以適子為之公行以庶子為之

公路小于公行公行小于公族詩以為先後之序
何黃如曰晉之親族太盛其後三卿卒以分晉詩人
倘亦有慨于中故于公路公行公族之官深致不滿
之意與莫以療饑桑為衣費以治疫詩取協韻意
實不在此朱康流曰美一二人以刺衆人也采莫
采桑采費以物之可采興人之可取也無度言德之
廣大如英言德之華美如玉言德之貴重于公路公
行公族之中獨為殊異則凡為公路公行公族者其
纖悉而不廣大固陋而不華美殷瑣而不貴重可知
已言公路公行公族者世家之子風氣攸係詩人于
此覘盛衰焉按此與詩言亦合故附錄之趙士會曰
末句言無貴介氣習亦無不可鄭肇敏曰按左傳
宣公二年初驪姬之亂詛無畜羣公子自是晉無公
族無掌公族之官及成公即位乃宦卿之適子以為
公族掌公族大夫餘子為公行掌公戎行趙盾請以
括為公族公許之而盾為旄車之族旄車之族即所

謂公路公行也趙盾方秉國成豈必躬掌其職計為此者必其子趙朔矣朔以魯宣十二年雁下宮之難而武朔之子方且畜于公宮則公路公行不知誰代為之其後嬰盾之弟通于莊姬朔妻同括放嬰于齊莊姬謂同括而晉景遂尸同括則公族大夫又不知誰代為之迄悼公新立樂伯請公族大夫公曰荀家悼惠荀禮文敏履也果敢無忌鎮靜使茲四人者為之此詩所刺非此四人明矣意者其刺括朔之徒乎何言其刺朔與括也當屠岸賈治靈公之賊請誅其子偏告諸將惟韓厥嘗畜于趙氏蛇辭解之而諸將無異議賈蓋有所侮而動也侮朔之無能為也直以為後世尚主之流耳嬰與莊姬通罪固當討然同括不請于君而擅放之豈得為無罪觀邲之役與牧鄭之役二人勇而銳于戰幾再敗晉師斯不亦妄庸豎子哉何以堪公族之任愚意詩人即未必刺朔與括即以為刺朔與括亦無不可蓋成公初設此官而

諸人不稱其職故譏之也若儉不中禮之說則意其
為魏詩而文致之耳夫君既儉以勤矣人可刺乎詩
明言公路公行公族而以為刺其君此何說也楊
用修曰王字古篆三畫均勻為王二畫近上為玉即
玉字王加二曲于旁為玉音稟治玉之工周禮玉人
是也自篆改為隸以其與帝王之王字相近故加一
點為玉以別之後
人遂不識玉字矣

園有桃

序刺時也

朝用非人以亂國是君子憂之故作詩而啟人之深思也

園有桃其實之殽

音文

心之憂矣我歌且謠

音文

不知我者

謂我士也驕彼人是哉

音資

子曰何其

音基

心之憂矣其誰

知之其誰知之蓋亦勿思

園有棘其實之食心之憂矣聊以行國不知我者謂我士也罔極彼人是哉子曰何其心之憂矣其誰知之其

誰知之蓋亦勿思

興而比也草木之果曰實家語果實有六桃為最下大曰棗小曰棘棘酸

棗也此皆果之賤者肉帶骨曰殼五穀曰食其實之穀其實之食以其實為穀以其實為食也桃可為穀乎棗可為食乎疑之也怪之也此以賤果充蓬豆喻以賤士備官職即所云彼人蓋曲學阿世之流故國
人莫知其非也曲合樂曰歌徒歌曰謠憶憑不平故歌謠坐卧不寧故行國見其歌謠則以為縱肆見其
儀儀獨行不知何往不知何事則以為罔極按騶字
罔極字俱從士字看出不過一介士耳身在事幾之

外好為識彈職無官守之寄不知避忌得不目為驕
得不目為國極乎既謂我驕既謂我周極則彼殆是
耶子果以為何如彼謂在位者子謂不知我者重言
心憂重言誰知而總歸于勿思思之一字乃此詩結
穴處謝君直曰使忠臣義士之心畧見知于人通國
上下不羣吠而痛惡之思其所憂者何說今之當行
者何事魏侯聞而急為扶危持顛之謀晉豈能驟滅
其國哉此詩當與黍離參看黍離弔已亡之國故
其詞直此詩弔將
亡之國故其詞曲

陟岵

序孝子行役思念父母也

陟彼岵

上聲

兮瞻望父

上聲

兮父曰嗟

讀

予子行役夙夜無

已上慎旃哉猶來無止

賦也爾雅多草木咭無草木峻毛傳山無草木曰咭有草木曰

此二說未知孰是登山以望望而不見因記憶其臨行教戒之語以當塗中晤言上猶尚也旃之也見獲于敵為止追憶我父之訓曰予子從軍行役之時早起夜寐無得止息此際更無他法惟有謹慎猶可望其歸來而不為敵所獲也他日家庭聚首全在逆旅珍重庸可忽諸一說此孝子思親想其念已私祝之語想其念已存諸心者益切想其祝語則保其身者益至真可謂孝矣

陟彼屺兮瞻望母

米叶

今母曰嗟予季行役夙夜無寐上

慎旃哉猶來無弃

棄石經作弃兄不行而弟行故云季無寐言不可解睡弃所謂棄其前

也功

陟彼岡兮瞻望兄

叶荒

兮兄曰嗟予弟行役夙夜必偕

里舉

切

上慎旃哉猶來無死

山一脊曰岡偕俱也謂與行役者俱毋失伍也無死教其避禍害

無致死地也

陟岵陟屺陟岡隨處思念雖云人情亦其至性然也三章通說上慎見父兄之所以勉其

子弟與子弟之所以念其父兄只在一個敬謹朱

克升曰讀陟岵而魏之所以役其民者可知讀碩鼠

而魏之所以賦其民者可知

其民者可知

十畝之間

序刺時也

賢者思歸農圃則其時可知故曰刺時

十畝

畝石經作畝

之間

音奸从月俗从日非

兮桑者閑閑

毛鄭俱从月

兮行

與子還

旋音 兮

賦也十畝猶云一丘一壑之意桑者即老農老國之類防閑之閑當从木間暇之閑

宜以月此當依釋文作閒閒言往來自適也子指桑者賢者不樂于仕見桑者黜陟不知理亂不聞閒閒自適欲歸隱而與之還往也味行字雖未遽然歸隱胸中神往已不可挽矣卓去病曰人生惟閒難得杖藜看犢較雨論晴何等閒適魏國賢人不忘桑園之樂可見當時風政尚佳後世戈矛加于鷗鳥征徭及于雞犬并野亦不可居矣

十畝之外

反五陸

兮桑者洩洩

洩洩石經作洩洩音異

兮行與子逝

兮

十畝之外隣園也毛傳洩洩多人之貌或相與盤旋或相來往閒暇無事也逝長往不返之謂板之詩

以洩洩為戒此以洩洩為樂在朝在野不同也禮記注徑一步長一百步為一畝折而方之則東西南

北各十步至秦孝公始制三百四十步為畝故程子
云古者百步止當今之四十一步今之百畝當古之
二百五十畝也

伐檀

序刺貪也

坎坎伐檀兮

音置

之河之干兮河水清且漣

音連

猗

音伊

不稼不穡胡取禾三百廛兮不狩不獵胡瞻爾庭有縣

音玄

貍

音宜

兮彼君子兮不素餐

七宣反

兮

比而賦也

坎坎是華擬攻苦意象檀木堅

者 輒可以為車寘猶放置之置干厓也河水濁而在干
者稍清風行水成文曰漣猗猶兮也車以行陸河干

清澣非用車之地喻君子不遇時也此旁觀之詞若
伐檀君子方且陶陶不改其樂豈有較量之心者哉
種之曰稼斂之曰穡嘉穀曰禾一夫之居曰廬謂田
百畝也冬獵曰狩宵田曰獵貉子曰貍兩胡字驚詫
之詞責在位貪鄙無功受祿侈靡也君子指伐檀之
人熟食曰餐無功食祿曰素餐君子固窮不肯冒祿
故嘆美之以刺在位者之貪也河水性濁左傳俟
河之清人壽幾何此詩三復河清有冀望感慨之意
言舉世混濁無日澄清彼河干之檀不知何年而為
大車之載也此詩人涕淚之語李愚公曰天下之
素餐者不盡小人也正惟冒君子之稱而貌假廉貞
中藏汙垢者偏能名利兼收故詩人三致咏曰彼君
子兮意固遠矣人曰素餐不必言仕而苟祿人生天
地間無益于世即巖處家食誰非素餐故西山之薇
未可遽食而空谷之芻亦難虛受也

坎坎伐輻

音福叶通

兮寘之河之側兮河水清且直猗不稼

不穡胡取禾三百億兮不狩不獵胡瞻爾庭有縣特兮

彼君子兮不素食兮

伐輻伐檀以為輻也輻車輪中之直木水平則流直十萬曰億三百

億禾秉之數獸三歲曰特

坎坎伐輪兮寘之河之湄

音屑

兮河水清且淪

音倫

猗不稼

不穡胡取禾三百困

俱倫反

兮不狩不獵胡瞻爾庭有縣

鷄

音純

兮彼君子兮不素飧

音孫

兮

輪車輪也說文無輻曰

輻有輻曰輪淪者岸下

水波洒蕩齒入若屑也干水所停處側在水邊淪又稍遠于側立言之序也淪小風過水成文環轉如輪

也倉之園者為囿鶉鵲屬夕
食曰飧字林水澆飯曰飧

碩鼠

序刺重斂也

碩鼠碩鼠無食我黍三歲貫

音慣

女

音汝下同

莫我肯顧

古叶

逝

將去女適彼樂土樂土樂土爰得我所

比而賦也碩鼠非鼯鼠也古人

作詩各言其方物陸元恪云河東有大鼠能人立交
前兩足于頭上跳舞善鳴食人禾苗人逐則走入樹
空中名碩鼠按人立具人狀貌交足頭上頭足倒置
之象跳舞善鳴脅肩諂笑之象走入樹空依倚豪強
之象此貪吏之化身也無食我黍疾其稅斂之多家
語黍者五穀之長祭先王以為上盛故言黍周禮三

年大比民數改定版籍聽民之遷徙故云三歲也釋
話貫事也始以國家多故暫重其賦今三歲事女矣
習為常法非我力所能任而莫肯顧惜勢不得不投
奔他國矣逝往也往于他國也將者未然而意料之
之語樂土賦斂少寬之處重言樂土渴望欣慕之
詞爰於也所處所也得我所謂得其安處之地

碩鼠碩鼠無食我麥三歲貫女莫我肯德逝將去女

女鼠

為一韻麥德
國直為一韻適彼樂國樂國樂國爰得我直

首言黍繼言麥麥者

接續之穀夏時舊穀已絕新穀未登民于此時乏食
而麥最先熟故以為重德惠也莫我肯德莫肯施惠
于我也直伸也受抑
于此而求伸于彼也

碩鼠碩鼠無食我苗三歲貫女莫我肯勞逝將去女適

彼樂郊樂郊樂郊誰之永號

音豪 食麥不足而食苗苗者禾

方樹而未秀食至于此則無可食矣顧存諸心德施諸政勞發諸言至惻人以言而猶不肯惜盡極矣國外曰郊由郊以入其國也永號長呼也誰之永號向誰而永號乎始曰爰得我所矣得我直猶有再生之望終曰誰之永號則終于無所控訴矣張氏謂誰之永號當誰復永號于爾土乎百年聚廬何樂輕去其國今民情如此國安得而不亡哉明主寧去吏勿去民暗主寧去民勿去吏吏去猶可選民去不復聚編碩鼠于魏末此并于晉之由也呂氏春秋寘戚飯牛居車下望桓公而悲擊牛角疾歌高誘注以為歌碩鼠詳讀魏詩大都居高者庸懦為民牧者貪殘以致民思轉徙士懷行遯遂亡其國後儒因首章有刺褊之序遂謂魏君儉嗇不能用其民承訛襲甚不自知其謬亦詩之一厄也然鄭譜言魏為舜禹所

都帝王儉約之化于時猶存而葛屨等詩諸序一則刺褊一則刺儉迨其後乃復有貧殘之刺者何耶莊子云始乎治者常卒乎亂作法于良其流必弊況儉嗇過甚則筭錙銖筭錙銖則峻箕畝情勢所至理有固然詩人以碩鼠殿殿魏風殆亦謂葛屨之應耶

唐

唐者帝堯之舊都成王以封母弟叔虞謂之唐侯在河汾東北而都冀南有晉水其子燮父改為晉侯唐以堯得名晉以水得名其地一也後徙曲沃又徙絳叔虞所都在今太原府曲沃絳在今平陽府俱隸山西揀風者不謂之晉而謂之唐蓋仍其始封之舊耳

蟋蟀

序刺晉僖公也

僖公好樂而荒故作詩以刺之不取直告其君託為同儕相語之詞所謂

言之者無罪聞之者足以戒也玩其辭志皆聖人憂勤惕勵儉約自守之意蓋其民俗猶有唐之遺風故孔叢子載孔子曰吾于蟋蟀見陶唐儉德之大也孔疏此實晉也而屬之唐故序每篇加晉字傳公

名司徒靖侯宜曰子

蟋蟀在堂歲聿其莫

音暮

今我不樂

音洛

日月其除

直慮反

無

已大

音太

康職思其居

叶據

好

去聲

樂無荒良士瞿瞿

音賦

也蟋

蟋蟀名似蝗而小色黑光澤如漆有角翅或謂之促織在堂九月時也聿遂也遂者從始向末之詞九月雖未為暮亦遂至于暮矣終歲勤動無可少閒歲晚不樂日月入舍我而去不得復閒矣除去也已既然之詞太康安樂之極也凡人之情憚其拘者或失于縱廣其儉者或流于侈故疾未已新疾又生故以太

康無荒戒之職專也小雅職競由人大雅職涼善背
即此職字居謂現在所居之位思之專則夫政之所
當為與夫患之所當防者可以次而理矣流連忘返
謂之荒翟翟鳥前而啄却而顧之貌思居則為之計
長久故翟翟連稱良士
者人當以良士為法也

蟋蟀在堂歲聿其逝今我不樂日月其邁

力制反

無已大

康職思其外

五陸反

好樂無荒良士蹶蹶

俱衛反

逝往

有出于思慮之外者蹶蹶動而敏于
事也思外則為之廣網繆故蹶蹶

蟋蟀在堂役車其休今我不樂日月其愴

音倫他反

無已

大康職思其憂好樂無荒良士休休

役車車中方箱可
收禾稼役車休農

工畢而無事也毛傳怕過也憂即其居其外之事有
變故而可憂者休休安閑之意思憂則為之屏嗜欲
也故休

山有樞

序刺晉昭公也

桓叔有不軌之謀而昭公不知諸大夫難察察言之故為同儕告語之詞

以使之悟非相勸為樂也昭公名伯文侯仇之子穆侯費王之孫

山有樞

音區入叶邱

隰有榆

音俞入叶由

子有衣裳弗曳

音裔从申从ノ

俗加點誤

弗婁

叶間入讀作樓

子有車馬弗馳弗驅

如字又叶求

究其死

矣他人是愉

如字入叶愉愉可以為茹愉

興而比也樞刺如柘葉如白愉也粉可禦飢材可為

載詩人因有衣裳車馬之詠故即樞榆以起興曳即棄甲曳兵之曳謂服之而下垂漢文帝紀後宮衣不曳地衣長則曳之于地婁繫也收斂也蓋繫以紳帶使其斂束也馳驅解見鄘風載馳言有國不能治猶之有物不能用不亡何待宛其死矣猶言忽然而死則為他人所樂愉樂也

山有栲

音考又音機

隰有杻

音紐

子有廷內弗洒弗埽

叶

子有

鐘鼓弗鼓弗考

叶

宛其死矣他人是保

補苟反

栲而葉小白生

栲似

于山名山栲以不材而壽杻檍也似杏而白可為弓弩宮中多樹之取億萬之意此章以栲杻取興豈以栲金天年杻號萬歲有長守之義耶洒埽恐其塵起先以水洒地而埽之鼓動考擊也保據而守之也

山有漆隰有栗子有酒食何不日鼓瑟且以喜樂且以

永日宛其死矣他人入室

漆可成琴瑟栗可供籩豆故以興酒食鼓瑟之事天子食

日舉樂諸侯無故不釋懸故以酒食鼓瑟相因而言人而無事則長日難度飲酒作樂則愈長愈好故曰永日且字可味有姑勿掛念且及時行樂之意羅瑞良云登歌惟王備琴瑟諸侯則有瑟而無琴故曰何不用日鼓瑟也通詩興意俱在有字有衣裳等物而不用辟如山木之不采終亦腐敗摧毀歸于無用而已他人入室一椽俱非吾有矣呂祿桑軍其姑呂嬃悉出珠玉寶器散堂下曰無為他人有也即此詩意何黃如曰首言衣裳車馬是身中物次言庭內鐘鼓是家中物至末章則身家俱不暇念惟偷取目前之樂意愈悲詞愈切矣胡休復曰是時昭公若朝生之茵夕而即落以甚愚之主至急之勢百務頽廢不舉之時而欲告以保身寧家之道則其說也長而其入也無緒故喟然曰與其醒甦待亡不如

快樂永日所以發其傷心之痛而振其欲死之氣語
苦而意迫矣輔漢卿曰晉昭非有大無道之事以
自絕于民也特以微弱不振日就萎蕩以是知君人
者不必淫刑酷罰厚賦重斂足失民心苟威靈氣絀
不足以震動鼓舞則必至奄奄而盡蓋天下
之大人心之衆非柔懦不振者所能控御也

揚之水

序刺晉昭公也

穆侯以條之役生太子命之曰仇後
以千畝之戰生子命之曰成師師服

曰嘉耦曰妃怨耦曰仇今君命太子曰仇弟曰成師
始兆亂矣兄其替乎穆侯卒太子仇立是為文侯文
侯三十五年卒子昭公伯立徙翼而封成師于曲沃
是為桓叔桓叔時年五十八好德晉國之衆附之昭
公七年晉大夫蒲父弒昭公迎桓叔晉人攻桓叔
還曲沃晉人立昭公子孝侯平誅蒲父此詩因沃有

墓宗之謀滿叔陰主之將為內應而昭公不知故為
微詞以泄其事欲公早為之備也 鄒筆敏曰成師

檀國十有五年其子莊伯鯉亦十有五年而武公偁
以即位之三十七年滅晉昭王請命凡六十七年之
間曲沃閔君者三而晉則自昭侯孝侯鄂侯哀侯小
子侯及哀侯之弟緡凡六君成師弑其一鯉弑其一
偁弑其三積漸固非一日猶必假寵于王靈彼翼之
屢廢民心益猶未忘故晉也其叛而歸沃寧不實繁
有徒顧何肯作為詩章以泄其事夫亦翼之謀臣設
為國人相語以悚翼侯使早為之備所謂言者無罪
聞者足以戒正
以不告告耳

揚之水白石鑿

音洛

鑿素衣朱褌

音博

從子于沃

叶

既見君

子云何不樂

音洛

喻桓叔

鑿鐵器之穿木者石之廉利似之

揚水飄蕩喻昭公白石剛勁

喻昭公白石剛勁

喻昭公白石剛勁

喻昭公白石剛勁

喻昭公白石剛勁

喻昭公白石剛勁

素衣祭服之裏衣以素絲為之朱襟衣領以赤色為之皆諸侯之服子指叛者如滿叔之徒于往也沃曲沃君子謂桓叔既見者未見而豫擬見後之情事詩謂子欲奉此服于桓叔我從子往沃以見之則可圖非望之福何不樂之有地理志河東聞喜縣故曲沃地今屬解州

揚之水白石皓皓素衣朱繡

叶

從子于鵲

音解叶

既見君

子云何其憂

叶要鵲曲沃之邑云

何其憂謂可免不測之禍

揚之水白石粼粼

音鄰

我聞有命

彌并切

不敢以告人

鄰鄰水落

而石見此桓叔之謀已定如司馬昭之心路人皆知之謀自上出謂命是桓叔命其徒以舉事不敢告人乃所以深告昭公也云何不樂誅叛黨之心不敢告人懼禍機之及李氏曰古者不執之臣欲行其志

必先施小惠以收衆心然後民翕然從之田氏之于齊亦猶是也故召公子陽生于魯國人皆知其已至而不言斯所謂我聞有命不敢以告人也凌濛初曰既云不敢告人乃明見之篇什何等密謀直同兒戲蓋陽若為沃陰實聳晉猶所養卒所謂名雖求趙王實欲燕殺之也此詩人之機巧似溫太真之于王敦其深心似秋梁公之于于式后不避嫌疑志在謀國

椒聊

序刺晉昭公也

續序君子見曲沃之盛強知其子孫將有晉國焉嚴坦叔曰此詩言桓

叔之強而不及昭公其意則憂昭公之弱而非主桓叔言在此而意在彼也若曰桓叔日強昭公其危哉

左傳晉封桓叔于曲沃師服曰吾聞國家之立也本大末小是以能固今晉甸侯也而建國本既弱矣

其能久乎昭公不用卒為曲沃所滅此詩殆師服所賦

椒聊之實蕃衍盈升彼其

音記下同

之子碩大無朋椒聊且

音莖下同遠條且

興而比也椒聊二木名椒性芬香而氣好

下聊枕之高者狀如梅樹散氣下達桓叔

之植黨似之聊樹上亢桓叔之偏上似之蕃茂也水滋曰衍謂其體氣饒洽也盈滿也翕十為合合十為

升之子謂桓叔為昭公告故稱桓叔為彼碩大言志不在小無朋言莫與人為比必不能卑屈奉事而和

好無間末復咏嘆之曰此椒也聊也枝葉愈多勢必至滿地椒聊猶晉人趨沃日衆不至盡化為曲沃之

人不止是不可不備也且嘆詞椒聊且遠條且紆徐吟咏多少感慨國策木實繁者傷其心大其都者

危其國尊其臣者卑其主沃有遠條而晉之本實先撥矣剪桐之封其能久乎

椒聊之實蕃衍盈匊彼其之子碩大且篤椒聊且遠條

且

古量二升曰匊匊大于升一曰兩手為匊兩匊為升
篤厚也言根深蒂固 輔漢卿曰揚之水椒聊二詩

似迷民情之棄舊君而樂桓叔也聖人曷取焉夫民
罔常懷懷于有仁上之無道而責民之棄我不可也
故錄此二詩以見民心無常
而在上者不可不强于自治

綢繆

序刺晉亂也

國亂民離婚姻過時詩人序述其事
所以諷在上者宜有以安集之也

綢

直留反繆

己侯反東新三星在天

如字又叶神

今夕何夕見此

良人

叶然又如字下同

子兮子兮如此良人何

興也綢繆猶纏綿也言來薪之

狀薪尚楚皆草類也心宿三星鼎立故謂之三星首
言在天者蓋昏而心星始見東方春夏之交也束薪
者女子也束薪之時偶見三星故以此起興猶詩采
芣東籬下悠然見南山按此桃夭已過觀止無期今
夕是何良夜而見此良人有喜慰驚疑恍惚若夢之
意蓋忽曠有年無端相遇翻以人間樂事驚為天上
奇緣也三見字皆旁觀口語故承曰子兮子兮子指
女子曰良人曰邂逅曰聚者俱指男子蓋自其稱名
而言則曰良人自其會合而言則曰邂逅自其美好
而言則曰聚者重複言之風體如此締婚既有成言
相見更屬天幸但暮夜倉卒殊難成禮詩人旁觀擬
議亦難判斷故曰如此良人何曹氏居貞曰詩人
每以薪喻昏姻如翹翹錯薪析薪如之何是也析薪
者析于彼而合于此有昏姻之義焉何夕寓過時意

綢繆束芻

音鄒又楚九切

三星在隅

音牛又語口切

今夕何夕見此解

迨

音候又朗口切下同

子兮子兮如此邂逅何

鳥草也隅東南隅也

迨見此邂逅謂過時得過喜出望外陸汝明曰誠不意昔日之想念何幸有一旦之躬逢又不知今夕之

相逢又何以盡兩情之深慶故曰如此邂逅何

綢繆束楚三星在戶今夕何夕見此粲者

掌與反下同

子兮

子兮如此粲者何

楚薪中之長大者戶南向之戶在天在隅在戶立言之次序不必以為時

之先後字書粲姣好貌詳味此詩亂離之世農圃之家約婚已定未及嫁娶征夫暮夜言還投止婦家既不能忘情又難于野合詩人旁觀太息模擬其躊躇顧盼之情若此

杕杜

序刺時也

謂君不親宗族骨肉離散詩人有孤危之懼焉蓋因穆公貽謀不臧以致未大于本

五世相攻非同姓之必為禍也獻公懲之盡殺羣公子以去其逼自是而後晉無公族之官者且數世詩之所刺其在此轅成公雖設其官而宗族漸衰至于六卿爭雄晉國遂分詩人已慮之早矣

有杖

音第从大無右點

之杜其葉

葉石經作葉

滑

上聲

滑獨行踽踽

音矩

豈無他人不如我同父嗟行之人胡不比音焉人無兄

弟胡不飲

音次馬

興也杖獨生貌杜赤棠滑滑潤澤貌踽獨行無親也同父謂兄弟行人行路

之人比親也以心言有眷戀之意飲助也以事言有扶持意獨生之杜尚有枝葉以庇其本根人乃踽踽獨行曾杖杜之不如夫豈無他人乎不如我同父之人他人不足恃也若使他人足恃彼行路之人胡不

相親乎必不相親也人之無兄弟者胡不求
助乎必不相助也信乎他人不如兄弟也

有杖之杜其葉菁菁

音精

菁獨行眾音窮眾豈無他人不如我

同姓

桑經切

嗟行之人胡不比焉人無兄弟胡不飲焉

菁菁

感貌眾眾如窮人無依也同姓雖非同父猶愈于他人請杖杜而知無兄弟之悲請常棣而知有兄弟之樂聖人以二詩立訓猶有尺布而謠七步而詩者詩志小雅決拾既飲則飲有襯貼相得之意

羔裘

序刺時也

晉惟世卿是用不恤其民而怨歸于公室也

羔裘豹祛

起居反又邱據反从衣

自我人居居

如字又叶據

豈無他人

維子之故

攻胡切又如字 賦也羔裘上下通服君純羔大夫以羔為裘以豹飾之袪衣袖頭也自

謂由來居坐也安也子謂君也故謂故舊自我人居言子之羔裘豹袪皆由吾輩供奉故子得坐而安享豈無他人二句追怨其君也言豈無他人可用而惟以親故舊情用其私人何哉

羔裘豹褭

音

自我人究究豈無他人維子之好

呼候反褭即

袖也究窮也推尋也自我人究究言子之安享者皆剗剗吾民所致杜詩彤庭所分帛本自寒女出鞭撻其夫家聚斂貢城關 正此意好心情好也

鵠羽

羽宜从石經作二後俱倣此

序刺時也

緒序昭公之後大亂五世君子下從征役不得養其父母而作 古者親老而無兄

弟當免其征役況君子乎五世者昭公季侯鄂侯哀侯小子侯

肅肅鵠

音保

羽集于苞栩

音許況羽反

王事靡盬

音古

不能蓺稷

黍父母何怙

音户

悠悠蒼天曷其有所

比也此喻從役而憂其失養因呼天

而冀其得終養也

肅肅矜持之義鵠似鴈而大連趾無後指性不樹止蓋水鳥也水鳥木棲則失其所

故肅肅也物叢生曰苞栩之解不一郭璞云作樹也諸侯為天子牧民公家之事皆得稱王事靡披靡也

周書商俗靡靡左傳望其旗靡漢書從風而靡皆傾頽不振之義盬出于河東之解池說文云煮海為盬

煮池為盬盬苦而易敗王事靡盬者頽敝敗壞毫無綱紀故禍亂相仍征役不息如此蓺播種也稷詳

見王風黍離怙恃也何怙言何所倚靠曷其有所言如之何終養使我父母得其所也

肅肅鵠翼集于苞棘王事靡盬不能蓺黍稷父母何食

悠悠蒼天曷其有極

棘如棗而多刺木堅色赤為赤棘叢生色白為白棘極已也古者用

民之力不過三日今如之何而有止日也

肅肅鵠行

音杭

集于苞桑王事靡盬不能蓺稻粱父母何

嘗悠悠蒼天曷其有常

行翻也六駟之毛有行列故云行稻稌稻粱似粟而大有青黃

白赤數種食則猶可望飽嘗則略沾其味何嘗言欲嘗其味而不得也耕田而供父母乃子之常分今如

之何得耕其田以供子職也胡庭芳曰詩雖切而不敢怨上詩人忠厚之至

無衣

序美晉武公也

晦庵謂以是為美是長奸誨盜非所以教斯言是也玩詩言蓋武公已得

命服列為諸侯而作此驕蹇之語耳聖人錄此所以暴其無王之罪案以發忠臣義士之憤怒也王伯

厚曰此詩美晉蓋閔周也自釐王命曲沃為晉侯而篡臣無所忌威烈王之命晉大夫襲釐之迹也有曲

沃之命則有三大夫之命矣武公名偃莊伯鐸之子桓叔成師之孫穆侯費王曾孫自桓叔初封至於

武公滅晉凡六十七年武公即位已三十七年釐亦作僖

豈曰無衣七兮不如子之衣安且吉兮

豈曰無衣六兮不如子之衣安且燠

音郁又音欲兮

賦也武公誘殺

小子侯周桓王命虢仲立哀侯弟繇尚不三十年滅繇并晉則其心豈知有王哉詩人痛惡之述其辭以

誅其意也突然而起想見其倨傲之象周禮典命職
侯伯七命其宮室車旗衣服禮儀皆以七為節復言
六者天子之卿六命車旗衣服以六為節出為公侯
則七命入為卿士則六命也非七章六章之謂子指
號公左傳莊十六年王使虢公命曲沃伯為晉侯則
號公適晉之時已齋命服來賜矣舊謂就號請命服
非也安謂不裡杭吉謂無後患盖不由天子無以壓
服人心恐有假公義以謀我挾私仇以討我者則不
安不安則多凶多懼何吉之有不安則虢奪莫必何
以能煥煥煥煥也出自天子承襲可久如同挾纊故曰
煥大約衰世天子反為亂人之資曹瞞所以終身不
廢漢獻唐之藩鎮戍主帥而代之坐邀旌節五代劉
仁恭謂梁使者曰旌節吾自有之但要長安一名色
耳聖人存此詩所以著世變之窮而傷周之衰也
嚴坦叔曰武公之事國人所不與序言美之者特武
公大夫之意耳山有樞揚之水椒聊杜諸詩國人

每以沃彊為憂而拳拳願忠于昭公以晉世家考之初潘父弑昭侯而迎桓叔欲入晉晉人發兵攻桓叔桓叔敗還歸曲沃晉人共立昭侯子平是為孝侯此桓叔初舉而國人不與也其後曲沃莊伯弑孝侯于翼翼人又攻莊伯莊伯復入曲沃晉人復立孝侯弟邾邾是為鄂侯此莊伯再舉而國人不與也及鄂侯卒莊伯伐晉晉人共立鄂侯子光是為哀侯此莊伯三舉而國人不與也至武公虜哀侯晉人復立哀侯子小子是為小子侯此武公四舉而國人不與也及武公誘小子侯殺之晉復立哀侯弟緡此武公五舉而國人終不與也最後武公伐晉侯緡滅之盡以其寶器賂周僖王王命武公為諸侯然後晉人力不能討而歸命于武公然則武公之得國晉人特迫于王命不得已而從之耳豈以武公為可美哉且武公有無王之心而後動于惡彼其請命于天子之使非真知有王也特以人心不與非假王靈則終不

能定晉耳武公之初試小子侯也桓王猶能命虢仲立緡于晉又命虢仲芮伯梁伯荀侯賈伯伐曲沃是則周雖微而名分猶存至僖王受武公之賂而命之為諸侯則綱紀蕩然矣他日三家分晉周王又移其命武公者命三家矣出爾反爾固屬天道然周自此遂不復振傷哉

有杕之杜

序刺晉武公也

武公僭以篡弑得國賢人君子莫之與也莫之與雖求之而不至矣詩不

言賢人之不至而極言武公好賢風人之體格若此耳

有杕

音弟

之杜生于道左彼君子兮噬

音逝

肯適我中心好

戲

之曷飲

音陰

食

音嗣

之

有扶之杜生于道周彼君子兮嘆肯來遊中心好之曷

飲食之

比也扶杜解見前道路也左僻徑周迂曲按此非人所常由喻賢人隱于荒野之象嘆語詞嘆

肯適我冀望之語慕逆之主欲得人以樹黨故中心好之忠義之士恥踐土而食毛將何由而飲食之乎適與遊有辨適者偶爾託食遊者盤桓其地君子深惡痛絕即一至焉而不肯也曹操父子非不好士而其最下亦以此耳

葛生

序刺晉獻公也

續序好攻戰則國人多喪矣按左傳獻公二十三年之間伐我伐翟伐

蒲伐屈伐泉落氏滅耿滅霍滅魏滅虢滅虞滅下陽凡十一戰續序謂好攻戰國人多喪是也然味詩詞

止是年少短折廢婦悲悼之意非弔古戰
場之文也豈有所不忍言不敢言者耶

葛生蒙楚藪

音廉

蔓于野

叶

予美亡此誰與

詩

獨處

賦也葛楚

俱解見周南蒙禁威冒覆也藪白蒼似括樓蔓引延
也野謂所葬之地予美指其君子亡死也此指此野
也言予君子死于此野草木蒙茸幽魂寂寂誰與
之侶乎惟獨處而已舊以為婦人自傷之詞非也

葛生蒙棘藪蔓于域予美亡此誰與獨息

蒙棘蔓域景尤慘淡淒涼

棘解見脚凱風域塋域
息止也此指塋域而言

角枕粲兮錦衾爛兮予美亡此誰與獨旦

按野而域而衾枕蓋展墓

抵家而作也枕檢也所以檢項衾大被角象其形錦
言其色粲鮮明爛華采也角枕錦衾富貴家婦枕粲

衾爛其亡未久此指衾枕而言獨旦
娶婦自謂古詩長夜漫漫何時旦

夏之日冬之夜

反 羊茹

百歲之後歸于其居

叶 據

冬之夜夏之日

叶 熱

百歲之後歸于其室

此二章言生難相見死則定當

相從寂寞之人晝長夜永之時淒涼最甚故不言如何孤苦而止以冬日夏夜為言百歲之後以死為期也居墳墓室塚壙蓋誓與之同穴也婦人謂嫁曰歸生死一理

采芩

序刺晉獻公也

續序獻公好聽讒言按左傳獻公聽士為之謀則去富子殺游氏二子

及林氏之族乃城聚羣公子而盡殺之聽驪姬之譖則殺其太子盡逐其諸公子天下之聽信讒言為禍

酷烈未有如獻公之甚者此詩未嘗教以止讒只將
比意形起而下正告以言之當察聽言能察則讒自
不敢進惜乎斯人之不舍也

采苓

音零

采苓首陽之巔

典切

人之為言

叶聞

苟亦無信

叶伸

舍旃舍旃苟亦無然

而鄭切

人之為言胡得焉

於莖切
比也
苓即

甘草首陽山名即雷首山在河東蒲坂縣南巔頂也
苟且也舍置之而不聽也旃猶之然如此也嚴坦
叔曰凡人譖語且未可信然則竟舍之而不聽乎且
亦未可如此但當考其言何從而得之推其所自來
則虛實盡見矣凡譖言之得行皆由不問所從來而
遽信之耳輔漢卿曰讒譖之人不畏人之不聽而畏
人之能審今雖不聽彼將浸潤而入則異日者或不
能不聽矣惟能審察而真有其情偽之所以然

則不惟不敢進亦無自而進此止讒之法也

采苦采苦首陽之下

戶音

人之為言苟亦無與舍旃舍旃

苟亦無然人之為言胡得焉

此車旃然言焉為一韻下同苦即茶也與許也

采葑

宇容反

采葑首陽之東人之為言苟亦無從舍旃舍

旃苟亦無然人之為言胡得焉

葑蔓菁也俗名諸葛菜從順之而行也陸農

師曰苓甘者苦苦者言讒人無所不至其害人也必因其似而譖焉采苓則因人之所甘而譖之之況也

采苦則因人之所苦而譖之之況也葑有時而甘亦有時而苦則又因人之所甘所苦而併譖之之況也

苓生于隰苦生于田葑生于圃皆非山中所有今曰首陽則以高為卑以無為有鑒空可知矣唐史云

欽定四庫全書

卷三

艷發之興常在中主第調既交則情與愛遷頗辭媚
熟則事為私奪役謀鉗其悟先哀誓健其寵初雖欲
弗受安得而弗受

秦

秦者隴西谷名近雍州鳥鼠之山周孝王使非子養
馬汧渭始封于此即今陝西西安府興平縣等處
秦伯益之後益一作翳秦聲以入為去故謂益為翳
鄭譜謂伯益皋陶之子按皋陶與禹稷契比肩而事
堯舜禹稷契子孫皆有天下六七百年則皋陶不宜
無後故其子孫淳沈沈夷夏保有西垂非子秦仲世父
襄公之輩捍禦西戎勤勞王室入春秋而有穆公醇
謹之德異于桓文之譎詐入戰國而有孝公強悍之
力異于六國之荒淫天下不歸秦而安往哉獨其明
作之習流為刻核商鞅李斯斷削無餘能取而不能
守為後世口實豈皋陶刑名法術之學視禹稷契功
德為少遜耶然而建郡縣築長城稱帝號萬世遵之

亦有不可及者矣。郝仲興曰：秦繼晉而霸，故次秦觀于次詩，知晉亡而秦興矣。唐士雅曰：昔康節論夫子定書以秦誓綴周魯之後，知周之必為秦也。夫豈獨定書即刪詩亦然？桓文更霸以來，列國皆已不振。秦獨駸駸乎始大。夫子知周之亡也，諸侯必折而入于秦，故齊晉之後次以秦風。

車鄰

序美秦仲也。

疏序以字配國者，附庸未得爵命，無謚可稱也。竹書宣王三年，使秦仲伐西

戎六年，西戎殺秦仲。朱康流曰：秦之強周之衰也，而夫子錄其詩者，錄秦仲之能禦狄難也，不以子孫累其祖，不以喪敗累其忠。

有車鄰鄰有馬白顛。

典因切。

未見君子，寺人之令。

力呈切。賦也。

欽定四庫全書

卷三

有者前此未有而今始有之也鄰鄰密比之意言其衆也白顙白額言其色之異也君子謂秦仲寺人闡官未見君子之時必先令寺人通之然後得見言侍御使令之備也劉安成曰秦仲為宣王大夫未必得備寺人之官此詩疑作于王命襄公為侯之後

阪有漆隰有栗既見君子並坐鼓瑟今者不樂逝者其

耄

徒吉切興也波者曰阪下者曰隰漆栗解見廊風定之方中鼓瑟解見唐風山有樞逝往也八十曰耄

言自此以往其將老而可樂之時不為我留矣

阪有桑隰有楊既見君子並坐鼓簧今者不樂逝者其

亡

按有車馬有漆有栗有桑有楊便是富饒之象鼓瑟鼓簧則非往時擊匏扣在彈箏搏解氣象矣未見而

寺人傳令何其尊嚴既見而並坐鼓瑟何其坦易今者不樂逝者其室又逝者其亡言貴生前得意否則虛老歲月耳其殫穀之氣已有安能邑邑待數十年後之意矣楊用修曰夫為一國之君不按羣臣壅蔽已甚又不使他人而使寺人傳令蔽益甚矣史記繆公學于宁人宁人守門之人即寺人也史書之醜之也三代之君必學于耆德以為師保而繆公乃學于宁人以刑威為周召以法律為詩書又不待始皇胡亥已然矣景監得以薦商鞅趙高得以殺扶蘇終于亡秦寺人之禍也聖人錄此以冠秦風垂戒深矣秦興而帝王之道纖悉盡矣未見而寺人傳令與三代侍御僕從罔匪正人納牖遇巷畧無間隔氣象何如也既見而並坐鼓瑟與三代廢歌喜起微戒叢脞何如也當立國之始即憂其亡其豈聲促而哀羸之先亡于姬豈不信哉國風自二南而外皆衰世之歌吟後儒謂之變風秦僻處西垂列在附庸至秦

仲西振夷狄而秦始大是秦仲實秦氏開國之主聖人采其詩以繼齊晉之後蓋內之也然其辭一則曰寺人之令一則曰今我不樂逝者其耄後來趙高李斯所以亡秦者皆祖述其語人主創垂之際可不慎哉丁氏奉曰既見君子並坐鼓瑟是襄公之處臣下猶周公云平易近民民必歸之而秦于是乎始大厥後商鞅苛刻變法臣下不敢仰視其君荆軻之變持兵者熟視始皇而莫之敢前至趙高定法律大臣諸公子有罪輒戮死而秦于是遂亡嗚呼平易苛刻之異驗豈惟秦哉

駟鐵

序美襄公也

朱康流曰史秦本紀平王命襄公為諸侯于是始建國蓋自子男而進為伯自

附庸而列于大國也此詩誇其田獵之事夫子何為錄之錄襄公之功也襄公于周有維屏之任于戎有

不共之義其狩以講武固所宜也
秦仲生莊公莊公生襄公

駟鐵孔阜

如字又房詭反

六轡在手

如字又書蟻反

公之媚子

叶濟口反又獎

里從公于狩

音守又書蟻反

鐵黑色孔甚阜壯盛也此章言往狩之事

阜則齊力四馬八轡而騁馬之內兩轡係之于車軾故曰六轡六轡在手如師之耳目在吾旗鼓言操縱自如也媚愛也媚子從狩見親愛之人皆材力蹶張之士

奉時辰牡辰牡孔碩

寶若反

公曰左之舍拔則獲

黃各切此章

言方狩之事奉者虞人翼以待狩時是辰時也牡獸之牡者辰牡如春秋獻鹿豕之類碩充肥也公曰左之者命御者使左其車以便射獸之左蓋射必中其左乃為上殺拔天末也以鏃為首故拔為矢末獲

謂蒺藜獸舍拔則
獲射之巧也

遊于北園四馬既閑輶

音

車驚鑣載獫狁

力念反

歇驕

此章言畢

狩而遊觀之事 閑調習也輶輕也輕車即驅逆之
車驚鈴名在軾曰和在鑣曰驚鑣馬口勒也鐵為之
人遊而馬閑車徐而犬逆總見氣象整暇即蕭蕭馬
鳴悠悠旆旌之意 獫狁犬名歇止也驕者田犬憤盈之
氣以車載獫狁而止其驕氣所以養其足力爾雅長喙
獫狁喙獨橋說者遂以此歇驕亦為犬按爾雅獨橋
二字俱從犬此詩歇驕二字一從犬一從馬則不得
混而同之矣按秦俗勇悍侍獵馳逐是其常事至此
則田而獲捷而休皆有儀文非復向之無章矣故美
之 嚴坦叔曰平王以秦之救周而命之異時諸夏
之憂反生于所救事之倚伏可預料邪是故禦戎以
自治為上策 徐玄扈曰說詩無蹟他書不同詩須

審其用韻乃可得其節奏如此章園與閑叶鑑與驕
叶則上下各為一韻若將遊于北園以人為主中分
車馬以犬帶說豈為無
見然決非詩人之旨也

小戎

序美襄公也

按詩中絕無美襄公語意而言美襄公者美其軍容之盛出師以救世父也史

記秦仲討西戎不克見殺仲子莊公生子三人其長
男世父世父曰戎殺我大父仲我非殺戎王則不敢
入邑遂將擊戎讓其弟襄公為太子莊公卒襄公代
立二年戎圍世父于犬丘世父擊之為戎人所獲歲
餘復歸仲書幽王四年秦人伐西戎意是年世父被
獲故興師救之也說者皆謂襄公遣大夫征伐而勞
之夫襄公以兵送平王平王封為諸侯當幽王時尚
為西垂大夫而所遣者豈大夫耶晦庵以為婦人之

詩此因篇內有良人字遂臆度之耳然黃
鳥之詩亦稱良人安在其為婦人之語耶

小戎

伐音

收

五

檠

木音

梁

輶

音

游

環

脅

驅

去叶

陰

剗

音

蓋

沃

續

叶

文茵

音

暢

轂

駕

我

騏

其

鼻

言

念

君子

溫

其

如

玉

裕

叶

在

其

板

屋

亂

我

心

曲

賦

也

首章

次章

兼言

車

馬

小

戎

從

後

收

軫

也

謂

車

前

後

兩

端

橫

木

所

以

收

斂

所

載

者

故

名

收

俗

謂

車

箱

是

也

大

車

軫

深

八

尺

兵

車

四

尺

四

寸

比

大

車

又

謂

之

輶

自

軫

至

前

環

曲

而

上

至

衡

則

下

鉤

之

其

形

如

梁

故

曰

梁

輶

其

曲

處

以

皮

五

處

束

之

堅

固

而

有

文

采

謂

之

輶

自

軾

至

前

環

曲

而

上

至

衡

則

下

鉤

之

其

形

如

梁

故

曰

梁

輶

其

曲

處

以

皮

五

處

束

之

堅

固

而

有

文

采

謂

之

輶

自

軾

至

前

環

曲

而

上

至

衡

則

下

鉤

之

其

形

如

梁

故

曰

梁

輶

其

曲

處

以

皮

五

處

束

之

堅

固

而

有

文

采

謂

之

輶

自

軾

至

前

環

曲

而

上

至

衡

則

下

鉤

之

其

形

如

梁

故

曰

梁

輶

其

曲

處

以

皮

五

處

束

之

堅

固

而

有

文

采

謂

之

輶

自

軾

至

前

環

曲

而

上

至

衡

則

下

鉤

之

其

形

如

梁

故

曰

梁

輶

其

曲

處

以

皮

五

處

束

之

堅

固

而

有

文

采

謂

之

輶

自

軾

至

前

環

曲

而

上

至

衡

則

下

鉤

之

其

形

如

梁

故

曰

梁

輶

其

曲

處

以

皮

五

處

束

之

堅

固

而

有

文

采

轡并服之四轡納于環中使其游移不定便于操縱
故曰游環所以制轡不得外出也又恐其混而內入
故以皮二條前係衡之兩端後係軫之兩端當兩服
之外脅故曰脅驅所以驅轡不得內入也陰揜軛之
板軾前為軛以板置車之前及左右三面與此軛陰
相映故謂之陰以皮條引車曰鞅兩服當衡得以用
力驂次在後不當于衡無用力處復以二鞅前係驂
馬之頸後係陰板之上使驂亦得用力也蓋沃也陰
與鞅原是兩物不相聯屬今綴環于陰板而係鞅于
環以聯屬此兩物故名此環為續也銷白金以沃灌
鞅環猶今人以銀為質金鍍其外故曰鍍續文茵車
中所蓋虎皮褥暢長也鞅車輪之中外持輻內受軸
者也大車之轂一尺有半兵車長三尺二寸故曰暢
轂騏青黑色馬左足白曰騊詩中所云君子良人皆
指世父言溫其如玉則德器沖然知非戰場上人矣
西北地寒用瓦輒為冰雪凍裂故以板為屋世父為

其所獲故云在其板屋多方而思救之之策故曰亂我心曲 楊用修曰此詩舊叶俱非今細味之當作三換韻收斂為一韻驅續鼻玉為一韻屋曲為一韻讀詩至此可以解頤

四牡孔阜六轡在手騏驎

音

是中

諸仍切

駟

音

驪是驂

初替

切龍盾之合蓋以鰭

音

輈

音

言念君子溫其在邑方何

為期胡然

讀

我念之

孔阜六轡解見前赤馬黑鬣曰駟

是中是其中兩服馬也黃馬黑喙

曰駟驪黑色是驂是其旁兩驂馬也盾干也即今遮箭牌載之車上以為衛者畫龍于盾故曰龍盾盾狹而車廣一盾不足為衛必合二以載之故曰合畫龍取變化之象合盾見防衛之周鰭環之有舌者輈驂馬內轡置鰭于軾前以係輈謂之鰭輈亦沃白金以飾之故曰蓋係輈見維持之固蓋金示文采之章邑

卽世父所居之大丘溫其在邑追念昔日在邑之儀
表甚是溫雅豈能躬戰陳之事方將也將何為期不
知將于何日復歸故邑胡然二字當讀言胡為而
不歸乎我甚念之也若作一句讀則文義不順

伐駟孔羣公

求音

矛鏐鏹

朱倫反

蒙伐有苑

孟叶

虎韞

暢音

鏐

漏音

膺交韞二弓

弘反

竹閉緄

哀音

滕

滕音

言念君子載寢載

興厭

平聲於
鹽切

厭良人秩秩德音

一陵反

末章言兵器

金為甲欲其輕而易為旋習也羣言衆而能和見教
之有素而無泛駕之虞也公矛三隅矛平底曰鏹鏐
鏹以白金鏐矛之下端而平底者矛利則物無不陷
所以禦敵也蒙雜羽文伐盾之別名苑畫雜羽之色
於盾而有文采者盾堅則物莫能陷所以自衛也虎
韞以虎皮為弓室寓兵威也胄謂之膺鏐膺鏐金以

飾馬胸之帶示美觀也。韋弓室也。交韋交二弓于韋中謂顛倒安置之備折壞也。閉約弓之繫以竹為之謂之竹閉。繩繩膝約也。置弓于閉以繩約之然後納于韋中正弓體也。載寢載興念君子而寢處不安蓋因君子足繫人思也。厭厭沈潛不露。秩秩出言有當。世父平日氣體安靜所謂厭厭良人也。遇大父之難則曰我不殺戎王不敢歸邑所謂秩秩德音也。言猶在耳安得不興師以救之乎。

兼葭

序刺襄公也

按史記平王封襄公為諸侯賜以岐西之地。襄十二年伐戎至岐西卒。蓋自戎

侵奪岐豐周遂東遷雖以岐豐賜秦使自攻取而終襄公之世不能取之但嘗以兵一至岐而已。詩人欲其克復岐西甚難佐東周以圖王業甚易故托想伊人而以邇洄邇游諷之寓意甚微立志蓋甚遠矣。襄

公不能
故曰刺

蕪葭蒼蒼白露為霜所謂伊人在水一方遡

蘇故洄音

從之道阻且長遡游從之宛在水中央

興而此也蕪謂之葭

荻強而高葭弱而小蒼蒼深青色蒹葭白露秋時景象喻周室氣運之衰伊人謂文武文王都豐武王都鎬豐依澧水鎬依鎬水文武神靈寶式憑之故曰在水一方遡向也逆流而上曰遡洄順流而下曰遡游水隅曰阻宛在者不偏不倚若遠若近宛然而在水之中即俗語恰似之謂欲至豐鎬須逆流而上故曰道阻且長東都在河洛之間順流而下揚帆即至故曰宛在水中央水即河洛之水犬戎之難豐鎬故地已委榛莽洛陽天下之中周呂所營山河不改九鼎猶存一整頓而文武周公之統緒煥然一新矣蓋秦

自世父誅西戎為其大父報讐驪山之難襄公以兵送平王世以忠孝相承故詩人重望之而微刺之也

蕙葭淒淒白露未晞所謂伊人在水之湄溯洄從之道

阻且躋

子西反

溯游從之宛在水中坻

直尸反

其盛晞乾也湄淒言水

草之交躋升也水勢東下今欲西行故曰躋坻水中高地

蒹葭采采

此禮反

白露未已所謂伊人在水之涘

以始二音

溯

洄從之道阻且右

羽軌反

溯游從之宛在水中沚

采采遇霜葉黃

而可采也未晞露之為霜者向未乾未已露之下者尚未止皆喻王澤之未息也涘水涯也鎬在西故曰

右小渚

曰沚

終南

序戒襄公也

按史記襄公十二年伐戎至岐卒則岐以東久已為襄公有矣終南抱杜含鄠

略鄠吐鑄乃境內之名山故以終南標勝序不曰美而曰戎者知襄公非乃心王室者也一統志終南

山在今陝西西安府城南五十里

終南何有有條有梅

莫悲切

君子至止錦衣狐裘

渠之反叶音黎

顏如渥丹其君也哉

賦也周都豐鎬面對終南故天保祝君斯干考室節南山刺尹氏皆

指此山東遷後平王以賜秦詩人有今昔之感故反復吟咏條袖也袖即橘之大者橘渡淮而北為枳梅變而成杏今終南山之有條有梅是不為地氣所變盛德所致君子指襄公至止謂臨其地錦衣狐裘白

孤為裘加錦衣以為裼也丹赤色渥丹精神湛滿之意恭地山高木茂氣象鬱蔥寢公衣錦佩玉至止其地眉宇尊嚴儼然疑于君矣故曰其君也哉其者將然之詞哉者疑而未定之詞君哉舜也有嘆美不盡之意與君王哉有諷諫不盡之意之意其君也哉有勸戒不盡之意

終南何有有紀有堂君子至止黻衣繡裳佩玉將

于羊切

將壽考不忘

紀山之廣角堂山之寬平處黑與青謂之黻五色備謂之繡錦衣狐裘上體之服黻

衣繡裳下體之服壽考不忘勉其居此位服此服永久無忘王之賜也嚴坦叔曰說者多以山有草木為興以此言有條有梅則可至于紀堂則無說矣今考之于詩凡一句各指一物者興也蓋興則意在于物故每句中專指其一以寓意如山有榛隰有苓之類是也凡一句疊言二物者皆賦也蓋賦則敷陳其

物之多意在有之一字而不在其所指之物故疊言之如有熊有羆但言獸之多有鱣有鮪但言魚之多有驪有黃但言馬之多別無所謂興也此詩不泛指山而指終南正是平王所賜之地詩人之意在終南不在條梅紀堂也

黃鳥

序哀三良也

左傳文公六年秦伯任好卒以子車氏三子為殉皆秦之良也國人哀之為之

賦黃鳥史記穆公卒從死者百七十七人而三良與焉應劭曰秦穆公與羣臣飲酒酣言曰生共此樂死共此哀奄息仲行鍼虎許諾及公薨皆從死按左傳以三良之死罪穆公疏謂不罪康公而罪穆公者是穆公命從已死此臣自殺從之非後主之過也董氏云陳乾昔子魏顆皆以不從亂命為孝康公豈得

無罪蘇子瞻云穆公生不誅孟明豈有死而忍用其
良罪康公也今觀詩序總言哀三良則穆公康公之

失俱見 穆公名任好

德公子德公襄公玄孫

交交黃鳥止于棘誰從穆公子車奄息維此奄息百夫

之特臨其穴

反戶橘

惴

平聲

惴其慄彼蒼者天

叶神又

殲

音失

我良人

如字又

如可贖

如字又

兮人百其身

如字又

交交黃鳥止于桑誰從穆公子車仲行

音杭

維此仲行百

夫之防

二音方房

臨其穴惴惴其慄彼蒼者天殲我良人如

可贖兮人百其身

下六句音同上

交交黃鳥止于楚誰從穆公子車鉞音鈇虎維此鉞虎百

夫之禦

反魚呂

臨其穴惴惴其慄彼蒼者天殲我良人如

可贖兮人百其身

興也交交往來貌黃鳥棘桑楚解俱見前從從死也舊以人不如物為興

通解謂黃鳥聲音毛色之美人所愛惜乃止于棘乎棘多叢刺桑楚人所嘗采嘗刈皆非鳥所當止者而止于此失其所矣以興三良民望而從穆公失其宜矣子車其氏奄息仲行鍼虎蓋以兄弟少長為次序持特立言其才猷卓異于人防隄防言其行有坊表如水之隄防禦猶對敵言其才德出眾一人足敵百夫殲盡也莊十七年經書齊師殲于遂注云殲盡殺之也三人之材具如此而乃盡殺之是可惜也秦人傷之臨其穴惴惴恐懼呼天而慙曰盡殲我善人乎若可以贖則當以百人之身贖之著一贖字明是迫

于君命無可奈何耳曰如可贖知其必不可贖也
括地志秦穉公冢在岐州雍縣東南二里三良冢在
雍縣故城內今之鳳翔府天興縣二冢迎不相及蓋
從死而不同葬也史記秦武公卒葬雍平陽以人
從死凡六十六人四傳至穆公遂用百七十七人而
三良與焉又十五傳至獻公始止從死至二世葬始
皇驪山後宮無子者皆令從死死者甚衆葬已下盡
閉工匠無復出者皆其先代之流毒也蘇子瞻和
陶淵明三良詩云此生泰山重忽作鴻毛遺三子死
一言所死良已微賢者晏平仲事君不以私我豈犬
馬哉從君求蓋惟殺身固有道大節要不虧君為社
稷死我則同其歸顧命有治亂臣子得從違魏顆真
孝愛三良安足希仕宦豈不榮有時
殮憂悲所以靖節翁服此點婁衣

晨風

序刺康公也

此穆公舊臣所作以康公忘穆公之業棄其賢臣也 康公名瑩穆公任好子

鶯音

飲

聿音

彼晨風

歌叶

鬱彼北林未見君子憂心欽欽如何如

何忘我實多

興也

以鳥歸于茂林興賢者處于朝廷飛而疾也晨風鸛名燕領勾喙因風疾飛

取其去來之速人君好賢禮士則賢者歸心禮貌衰則浩然去矣鬱堯茂也北林林名欽欽心動貌君子

與我詩人自謂憂心欽欽言康公求賢若渴其未見也憂心欽欽惟恐其不得見今如何而忘我乎我于

公亦有許多好處一旦忘之必有其故或我有過咎與戎旁有離間與如何如何欲康公自反諸心也

山有苞櫟

歷各反

隰有六駮

駮毛鄭石經俱作駮音剥

未見君子憂心

靡樂

音洛

如何如何忘我實多

以山隕各有其木興朝廷之上豈可遂無其人芭叢

生也憐似楞之木馭梓榆也其樹皮青白馭華遙視似馭馬故謂之馭六者據所見之數而言羅仲行曰鳥獸草木之類特為難窮其形之相似者雖山澤之人朝夕從事有不能別其名之相亂者雖博物君子習于風雅有不能周故野人伐檀得馭先儒訓馭為獸其去本遠矣

山有苞棣隰有樹檉

音遂

未見君子憂心如醉如何如何

忘我實多

棣常棣也樹檉毛云一名赤羅一名山梨郭云楊檉也實似梨而小酢可食陸云檉即鹿

梨也一名鼠梨如醉謂昏而不醒王子粲好誦晨風雖當中山被廢之後猶得父子如初詩可以怨亦可以興此類也夫

無衣

序刺用兵也

按春秋文公七年晉人秦人戰于令狐十年秦伯伐晉十二年晉人秦人戰于

河曲十六年楚人秦人滅庸此好用兵之證朱氏曰襄公以王命攘戎狄報父之讐故詩人美之康公令狐河曲之戰修私怨還小忿故詩人刺之朱康流曰觀詩詞絕無刺意而序以為刺者蓋效用于秦君而致思于周王意謂吾今日豈以無衣為苦有袍有裳有澤亦既與于同矣但得王命興師即修我戈矛同仇偕作義不敢辭今日之行果何為者耶不即不嫌若隱若現此所謂刺也

豈曰無衣與子同袍

蒲侯反

王于興師修我戈矛與子同

仇

衣師一韻袍才仇一韻下同

豈曰無衣與子同澤

達各切

王于興師修我矛戟

託約切

與

子偕作

豈曰無衣與子同裳王于興師修我甲兵

蒲旁切

與子偕

行

叶杭恩故

以無衣發端同袍即衣裘與共之誼見士卒之

輟袷玉藻續為繭緼為袍繭者純著新綿袍者雜用舊絮說文澤作釋務也以其有垢汙故曰澤于曰也

戈長六尺六寸矛長二尺戰長丈六仇以心言作以氣言行住也

渭陽

序康公念母也

康公之母秦穆公夫人晉獻公之女文公異母姊也文公避驪姬之難居

秦未反而康公之母卒穆公納文公時康公為太子
念母之不見見舅氏如母存焉送至渭陽而賦是詩
序不云送舅而云念母蓋念其母故不忍別其舅不覺其送之遠贈之厚耳

我送舅氏曰至渭陽何以贈之路車乘

去聲黃

賦也此章言送之有

所在而有所乘贈之下章言送之有所思而有所佩
贈之意微有別母之兄弟曰舅渭水名水北曰陽
雍在渭南晉在秦東行必渡渭金路以封同姓象路
以封異姓華路以封四衛木路以封藩國故諸侯之
車曰路車乘黃四馬皆黃也蓋殷勤于舅氏而思母
之意隱然言表矣渭出今陝西臨洮府渭源縣

我送舅氏悠悠我思

去聲

何以贈之瓊瑰玉佩

叶弊

耳若晉實

藉秦穆之力太子營贈以諸侯之儀所以鄭重其行
而願以定晉也蓋重耳此行關係甚大其間返國之

安危置立之成否歸結之久暫皆其意中所回環圖維者故曰悠悠我思瓊者玉之美名璚者石之美名玉佩珩璜琚瑤之屬佩者服用之稱从人珥者玉器之名从玉

權輿

序刺康公也

續序忘先君之舊臣與賢者有始而無終也嚴坦叔曰即飲食一節以見待

賢之衰非責其禮也君子之去就于其心不于其禮

於我乎夏

胡雅切

屋渠渠今也每食無餘于嗟乎不承權

輿

賦也王恭懿以夏屋為大屋檀弓曰有若覆夏屋者矣法言云震風凌雨然後知夏屋之弊懔也楚詞大

招云夏屋廣大沙棠秀只從來有夏屋之語孔疏謂下章始則四簋今則不飽皆說飲食之事不得言屋

宅楊用修引字書夏屋大組也禮周人房組其制足
間有橫下有跗似乎堂後有房故曰房組此詩當遵
用修之說渠渠寬大也承繼權輿始也不承權輿不
能繼其始陳氏曰造衡自權輿始造車自與始與車底
也大戴禮孟春冰泮百草權輿淮南子東風至而酒
流溢造化權輿逸周書日月俱起于牽牛之初歷含
于十有二辰終則復
始是謂日月權輿

於我乎每食四簋

叶已切

今也每食不飽

叶補苟切上章五句一韻此章

簋飽一韻

于嗟乎不承權輿

外方內圓曰簋以貯稻粱內方外圓曰簋以盛黍稷

容一斗二升禮食六簋今四簋則燕食之盛者也考之於禮用簋則簋從用簋則簋或不從故單言簋
雲窩謂末句是失其輕重旋轉之義衡不承其權則
低昂莫辨車不承其輿則行路為難論詩云此當在

德意不遠霸業不終上嘆息不然所計者區區居食之事而已恐非賢者志也

陳

武王封舜胄媯滿于陳妻以元女大姬都宛丘之側封域在豫州之東今河南開封府陳州是也
陳與曰諸國自秦以上次第可推自陳而下三國最小先亡故附于後

宛丘

序刺幽公也

樂書嘉樂不野合宛丘遊蕩至忘冬夏豈特野合故譏之
幽公名寧慎公國

子戒

子之湯

音蕩叶傷

兮宛

怨元反

丘之上

叶傷

兮洵有情

慈良反

兮而

無望

音房兮

賦也子斥幽公蕩蕩也幽公遊蕩為人所厭此詩殆慶額相告者爾雅丘上有丘曰宛丘

郡縣志宛丘在陳縣南三里洵信也有情謂有興趣
無望謂無威儀人君為人所瞻仰遊蕩無節則無威

儀可瞻
望矣

坎其擊鼓宛丘之下

叶

無冬無夏

叶

值其鷺羽

坎擊鼓聲無冬

無夏祁寒大暑之時不少息則他時可知值
過也鷺水鳥毛羽潔白舞者執其羽以為容

坎其擊缶

方有反

宛丘之道

他口反

無冬無夏值其鷺翮

值有

反

缶土器盆盎之類大腹斂口所以盛酒漿亦可

鼓以節樂翮翮也即今之羽葆幢亦舞者所執武

王元女大姬配于胡公無子好巫覡禱祈鬼神歌舞
之事蘇子由曰陳之變風其原出于大姬蓋列國之

風皆有所自起方周之盛時王澤充塞其善者為于
善不善者以禮自持亦不至于惡周德既衰諸侯各

因其舊俗積漸而下善者流于不善而不善者日以益甚故晉以堯之遺風為儉不中禮陳以大姬之餘俗為游蕩無度甚哉開國承家不可不慎其初也

東門之粉

序疾亂也

市也婆婆作序者便謂之亂蓋一切禍源皆從游蕩而起故不徒曰刺亂而曰疾亂

深恨之也

東門之粉

符云切

宛丘之栩

許音

子仲之子婆婆

梭音

其下

戶切

穀旦于差

七何反

南方之原

原與差麻不叶未詳

不績其麻

眉波切

市

也婆婆

穀旦于逝越以覈

音樓子公反

邁

力制反

視爾如收

音翹

貽我握

椒

賦也陳之東門猶鄭之漆消衛之沫鄉粉白榆相作標之屬曰粉曰相蓋長林豐草可供盤礴者子仲陳

大夫氏婆娑從容遊玩也古者士大夫之子不得入市今遊遊市中則陳之淫亂此其戒首矣穀善差擇

也穀旦則風日晴美因而擇其地以相娛樂故下接以南方之原原蓋村落中之成聚者故曰市子仲之

子男也不繡其麻女也越於暇同邁行也越以暇邁男女同行也收錦葵或曰紫荆手持曰握椒芬香之

物視爾如收貽我握椒男女心許目成之意類考榆之白色名粉榆性扇地所扇之地甚陰其下五穀

不植古人就以息焉嚴坦叔曰後序附並講師之說時有失詩之意者一斷之以經可也首序之傳源

流甚遠方作詩之時非國史題其事于篇端雖孔子無由知之或欲併首序盡去之不可也古說相傳備

不之信千載之下一一以胸臆決之難矣桑中湊消
之詩或謂淫者自言其如此此詩亦謂男女聚會而
賦其事以相樂蓋不用首序刺奔刺亂疾亂之說耳
如此則凡刺詩之作皆淫人動于淫思發為淫辭非
止乎禮義者矣聖人何取淫人之言著之為經而使
天下後世諷誦之耶故凡刺詩皆作者刺淫者非淫
者自作也味子仲之子及不續其麻正
是誦責之語非相樂之辭故序曰疾亂

衡門

序誘僖公也

朱康流曰僖公繼幽公之後賢者懼其
習見荒淫不自克于欲也故作此詩自

陳其志之澹泊寧靜者如此時而颺之君前將以消
其非僻于未萌也若曰以小人之心為君子之腹屬
厭而已故序不曰刺而曰

誘
僖公名孝幽公子

衡門之下可以棲遲泌之洋洋可以療

樂石經作飢也

衡橫也橫一木為門貧者之居棲遲遊息也泌泉水樂飢見水而忘飢此得道之語如云療飢則淺

豈其食魚必河之魴

音房

豈其取

音娶

妻必齊之姜

豈其食魚必河之鯉豈其取妻必宋之子

叶几

魴解見周南

汝墳鯉魚無大小從頭至尾皆三十六鱗能變化飛越江湖里語曰洛鯉河魴貴于牛羊皆魚之美者齊姜姓宋子姓皆貴族其女多美張叔翹曰請衡門之詩使人自遠可以安澹泊之分可以息馳驚之情

東門之池

序刺時也

續

序疾其若之淫昏而愚賢女以配君子按序不斥指何人而概言曰時是言當

日風俗風俗不美必歸咎于君故行序者謂疾其君
之淫昏古之為君者前後左右皆正人幽德相仍習
于淫蕩非獨其君之罪亦以便僻之徒日夕慙慙故
詩人寄興于池水緬懷于淑女謂得淑女之賢而不
比淫朋狎客君亦未必至此蓋婦人之于君子左右
周旋庶可以漸化其淫昏如池之漚麻浸漬而不知

東門之池可以漚

烏豆

麻眉波

彼美淑姬

平聲

可與晤

候音

歌

舊本池姬不叶補協以
池與姬叶麻與歌叶

東門之池可以漚

紵音

彼美淑姬可與晤語

叶韻例同上

東門之池可以漚

管音

彼美淑姬可與晤言

叶韻例同上

水經注陳城故陳國也東門內有池池水東西七十
步南北八十許步水至清潔而不耗竭不生魚草漚

水浸也紵麻屬菅茅屬晤相對也淑女非妖淫治麗
之稱晤歌亦無謔浪笑傲之態池水涸麻以喻漸漬
而不覺淑姬晤歌以喻婉轉而善入淫昏不可告語
而屬思于賢女蓋舍此別無策矣晤歌謂與之合
曲而詹歌晤語謂與之相
答述晤言謂與之相言論

東門之揚

序刺時也

鄒肇敏曰此詩蓋為友之寒盟而致怨也
離騷云黃昏以為期兮羌中道而改路初

既與予成言兮後悔遁而有它九章抽思篇云昔君
與我成言兮曰黃昏以為期羌中道而回畔兮反既
有此他志羈臣棄友每托閨
情以寓慨此風人之致也

東門之楊其葉

葉石經
作葉

牂

音牂

牂昏以為期明星煌煌

東門之楊其葉肺肺昏以為期明星晬

音制

晬音制
興而此也

也肺五臟之一其色赤周禮肺石赤石也肺之石比
牂為更赤楊葉青霜降則赤故以為過時之喻按士
昏禮執燭前馬是親迎之禮以昏也用昏者取陽往
陰來之義明星啟明星煌煌明貌昏以為期明星煌
煌期而不至也晬晬白也將旦而
星光微白也疑慮之意反覆道之

墓門

序刺陳陀也

陀為陳君而以名稱故太子而墓之不
得為君也陀字五父文公園之子桓公

鮑之弟桓公疾病陀殺其太子免而代之
桓公卒陀立明年蔡人殺陳陀免音問

墓門有棘斧以斯之夫也不良國人知之知而不已誰

昔然矣

典也墓家塋之地孝子所思慕者故曰墓時桓公已死故以墓門起與墓門有棘谷以斯之斯

析也言人身後尚當令子孫廓清道路豈有為人君父大奸在側舉國盡知而已獨蕪崇之乎除奸非斷不可故以斧為訓夫指陀也左傳隱公七年陳五父如鄭蒞盟歆如忘洩伯曰五父必不免五父即陳陀也鄭良佐如陳蒞盟亦知陳之將亂此詩所謂國人和之也已廢退之也誰昔然矣言昔者誰使之然乎追咎桓公也

墓門有梅有鴉

呼桑反

萃

去聲

止夫也不良歌以訊

息粹切

之

訊予不顧

叶古

顛倒思予

音與

鴉惡聲之鳥萃集訊告也不顧謂不顧利害訊予不顧

謂予告之而不顧至于顛倒然後思予則無及矣左傳載陀勸陳許鄭平有親仁善鄰之言蓋非昏愚

者陳侯不許卒見侵伐既而徐思陀言復與鄭和遣陀往鄭蒞盟歆如忘洩伯料其必不免考其歲月變數年耳而盡惑變幻如此詩所以傷也 鷄即鷄鷄斑色貓頭有毛如角其聲如笑畫伏夜飛相傳此鳥入城城空入室室空傳謂曾子所居鷄不入境往時惟深林曠野有之今徧地有此物矣

防有鵲巢

序憂讒賊也

續序宣公多信讒君子憂懼焉毛詩序曰宣公之詩也詩說泄治被讒內子憂

之而作 宣公信讒事無所考按史記宣公以嬖姬之故欲立其子款乃殺其太子禦寇遂公子完此亦信讒之一證 宣公名杵臼莊公弟

防有鵲巢

音曹从木

卬

音窮

有旨苕

音條徒彫切

誰侑

音周

予美

心焉怵怵

音刀怵

中唐有甃

音關

卬有旨鵽

音逆

誰侑予美心焉惕惕

音興也防

卬皆陳地名郡國志卬地在陳縣北防亭在馬音美也
莒草也中唐堂下至門之路甃甃甃甃甃甃甃甃甃甃甃
鵽綬草也此草具五色作綬文有如鵽鳥故字從鳥
侑謂請張迂迴蓋誣罔人者必迂迴以文致其惡予
美猶簡今之稱彼美彼美者遙想之詞予美者親暱
之詞怵怵憂之而心如刀刺惕惕憂之而心常震懼
鵽善擇木安則為巢莒宜荒地不戕則音中唐有甃
人罕踐之則成其美卬有旨鵽人莫戕之則成其文
此詩以物之各得其所興人之不敢自安曾物之不
若也 莒有二種此莒饒也小雅莒之華陵莒也

月出

序刺好色也

固有奸之者故習為佞媚若此其靈公與孔寧儀行父之流乎

月出皎

音橋

兮佼

音絞

人僚

音了

兮舒窈

音窈

兮糾

音矯

兮勞心悄

音小

切

兮

月出皓

音昊

兮佼人憫

音柳

兮舒懷

音黠

受

音時

兮勞心慄

音草

兮

月出照

如字

又叶

兮佼人僚

音料

兮舒天

音紹

兮勞心慄

音上

兮紹

音去

兮勞心慄

音上

二聲兮勞心慘

當作慄

七到

兮

賦也

兮

皎潔也

兮

皓白也

兮

僚好貌

兮

僚好貌

言相交之人與月相映倍覺其好蓋指夏姬也慄溜離僚光明也舒者遲緩窈者深遠糾者繩三合也窈

刺者狀其舒緩之中又若有所思而鬱結也慢與憂
通受者納也慢受者若有所苦而含忍也天者屈首
橋其頸也紹者糾緊也天紹者若有所抑而局促也
如漢梁冀傳所云愁眉啼妝折腰齟齬善為妖態以
相媚惑也悄其心愁懣而不平悵其心不安而怪動
慘其心幽愁而悲愴玩三舒字領句最有味後人意
態全在容與徘徊且前且却之際漢武帝所云偏何
珊珊其來遲也勞心三句是從旁悲嘆之語觀其多
方染作自以為樂旁人觀之何等辛苦猶曾子云背
肩諂笑病于夏畦也序云刺好色此詩淋漓摸擬止
言色而不言好詩人作法如此呂伯恭曰此詩用
字贅牙殆方言之類鄒肇敏曰陳與楚近其音節已
隱然具騷
人之致矣

株林

序刺靈公也

續序淫于夏姬驅馳而往朝夕不休息馬朱康流曰春秋書蔡人殺陳陀公

羊氏以為賤也穀梁氏以為匹夫行也甚矣獨得以謚稱者靈公之賤也甚矣其匹夫行也甚矣獨得以謚稱者其始也國人固以為君矣既以為君非有天子之命不得而廢之也靈公名平國夏姬鄭穆公之女嫁于公子夏之子御叔生微舒以祖字子夏故為夏微舒字子南以氏配字謂之夏南御叔于靈公為從祖父列女傳夏姬美好無匹內挾技術老而復壯三為王后七為夫人公侯爭之莫不迷惑失志

胡為乎株林從夏南

上叶尼心

匪適株林從夏南

賦也

駕我乘馬

去聲滿補切

說

音稅

于株野

上與切

乘

平聲

我乘

去聲

駒朝

食于株

按此明知是從夏姬故作不曉事之語自相問答意謂胡為乎往株林殆從夏南耶曰匪適株

林而從夏南也。駕我乘馬，說于株野。云爾。乘我乘駒，朝食于株云爾。曰：朝食則在株，越宿可知矣。彼時君臣宣淫，毫無避忌。旁觀者乃不欲明言，代為隱匿，以發其愧恥之心。此卒言之旨也。朱備萬曰：衛之亂至，牆有茨而極于是，有狄入衛之禍。陳之亂至，株林而極于是，有楚入陳之禍。此所謂女戎也。比事以觀，可為淫亂之戒。寰宇記：陳州南頓縣西南三十里有夏亭城，城北五里有株林，在今河南項城縣。

澤陂

序刺時也

傳：陳殺其大夫泄治，弑二字傷之。賦：澤陂左傳：陳靈公與孔寧儀行父通于夏姬，皆

表其相服以戲于朝。泄治諫曰：公卿宣淫，民無效焉。且聞不令君其納之。公曰：吾能改矣。公告二子，二子請殺之。公弗禁，遂殺泄治。

彼澤之陂

叶波

有蒲與荷有美一人傷如之何寤寐無為

涕泗滂沱

興也澤水之鍾也以其潤澤萬物故云澤陂障水之岸蒲似莞而編有脊生于水厓荷芙

渠又名芙蓉蒲荷皆以美物相依有美一人謂孤立無依傷如之何言遇禍指泄治寤寐無為二句詩人

自言寤與寐更無別事唯懷此一人涕泗滂沱而已自目曰涕自鼻曰泗滂沱聲淚俱下不自禁也

彼澤之陂有蒲與蘭

居賢反

有美一人碩大且卷

音權已俗从

非己

寤寐無為中心悁悁

音娟于澤畔疑是澤蘭卷収也碩大

之人近于癡肥難于収斂故又言且卷悁悁猶悒悒也

彼澤之陂有蒲菡萏

持檢反

有美一人碩大且儼寤寐無

為輾轉伏枕

知檢切 荷言其全體苗萑荷華之未舒者儼者尊嚴之象碩大之人易于頽情難

于振疎故又言且儼 蒲與荷與蘭有貴賤之別皆得並生澤陂而斯人獨以忠諫被戮豈蒲荷以柔媚向榮而泄治以剛直取禍耶孔子曰民之多辟無自立辟泄治之謂矣辟音僻 大抵人之傷情初則涕泗交頤漸且涕泗俱盡只中心悵悵耳久之思想昏疲情不能已心亦無力惟輾轉伏枕而已

檜

周武王封祝融之後于濟洛河潁潯洧之間為檜子在豫州北後為鄭所滅今為河南開封府新鄭縣

嚴坦叔曰檜曹思周道習亂也檜世次莫考詩不言何君曰夷厲之間者鄭譜也平王初鄭武始滅檜前乎平何以知其非幽也當幽之時仲為檜君言不刺仲也前乎幽人何以知其非宣也周道復興之時不得有匪風之思也非幽非宣夷厲當之矣 唐士雅曰檜曹萊爾小國季子觀樂曰自檜以下無譏焉夫

子何列之于風也蓋世道惟利盡則復亂極則治大亂之餘則小國疲于奔命不克保其社稷民間哀思煩促視其生不啻如白駒之過隙故其思治為獨深今觀檜風僅四篇而羔裘苦逍遙之君素冠哀純孝之子萇楚嘆不聊生之民時事至此又安得無匪風之思與變風終檜曹序詩者蓋有深意

羔裘

序大夫以道去其君也

鄭箋以道去君者三諫不從待放于郊得玦乃去

羔裘逍遙狐裘以朝豈不爾思勞心忉忉

音刀

羔裘翱翔狐裘在堂豈不爾思我心憂傷

羔裘如膏

反古報

日出有曜

反羊照

豈不爾思中心是悼

也賦

士冠禮以玄冠配朝服論語以羔裘配玄冠則羔裘為朝服明矣狐裘狐白裘也論語狐貉之厚以居則狐裘為燕居之服明矣今以法服為嬉遊之具以燕服為臨御之觀少儀衣服在躬而不知其名曰罔衣服顛倒如此政事悖亂可知國語史伯謂鄭桓公曰檜君恃險有驕侈怠慢之心與詩言道遙邇邇正相合首言以朝次言在堂則遊燕後尚有視朝適履之時末章不言在朝在堂而曰日出則自辨色以至竟日無非遊燕時矣豈不爾思者非徒徘徊春戀不忍去國已也凡所以易危為安轉亂為治者無一不經營于懷但君晏安怠惰無從獻納故不得不鬱鬱而去耳首言勞心忉忉悲其君之失道也繼言我心憂傷痛已之不能匡救也末言中心是悼則懼其國終不可保矣徐玄扈曰充耳瑋瑩會弁如星不言所以而遂曰終不可譏羔裘如膏日出有曜不言所以而遂曰中心是悼服飾之美一也而一以為喜一以

為憂其所以然之
故俱在不言之表

素冠

序刺不能三年也

周衰禮廢三年之喪不行如春秋諸侯居喪而親迎盟會征伐大夫

以下可知故
詩人刺之

庶見素冠兮棘人樂

音驚

樂兮勞心博

音團从心从東从寸與博字不同

博兮

庶見素衣兮我心傷悲兮聊與子同歸兮

庶見素韠

音畢

兮我心蘊

上聲

結兮聊與子如一兮

賦也

庶見者不

得見而冀其或見也素冠素衣素禪服于祥祭之日
終喪而後有祥祭喪禮不終則未祥而服已除此素
者何從見之乎素白也素冠練冠也練布令熟其色
並白謂之素冠冠素則衣亦素謂之素衣禪蔽膝也
以韋為之古者席地而坐以臨俎豆故設蔽膝備濡
漬在冕服謂載在常服謂釋其色亦白故謂之素禪
棘羸瘠也棘葉少而體常露故居喪骨立者為棘人
即冠素冠之人也藥瘠貌藥樂毀瘠之甚此是三年
喪之本不則服不由衰今人之三年也按說文無博
字當作團結聚不散之謂三年喪廢人心漸滅舉世
皆無父無母之人令我傷悲鬱結不開三年之喪天
下之通義人心之同然也同歸謂歸于天理民彝之
中如一謂待我心之同然聊者苟且之詞三年之喪
何足以報父母我與子聊盡其不言而同然者耳
按禮記大全云從祥至吉凡服有六祥祭朝服縗冠
一也祥訖素縗麻衣二也禫祭玄冠黃裳三也禫訖

朝服綬冠四也踰月吉祭玄冠朝服五也既祭玄端而居六也春秋傳曰三年之喪其實二十五月也

石梁王氏曰二十四月再期其月餘日不數為二十五月中月而禫註謂間一月則所間之月是空一月為二十六月出月禫祭為二十七月徙月則樂矣

隰有萇楚

序疾恣也

恣于虐民民不堪苦覩物自傷也

隰有萇

音長

楚猗

音阿於可反

儺

音那乃可切

其枝天

平聲

之沃

音屋

沃

樂子之無知

隰有萇楚猗儺其華天之沃沃樂子之無家

隰有萋楚倚籬其實夭之沃沃樂子之無室

賦也萋楚羊桃也葉

似桃華枝莖柔弱引蔓草上倚籬柔弱順貌夭謂始生之時沃沃潤澤貌言少好而潤澤也三章以枝華實為次第自枝而華而實有能遂其生之意見無知之物榮苑如此而以彼為可樂則其苦自在言表家謂父母兄弟室謂妻子無知則無賦役之憂無家無室則無賦役之累是詩不知作于何時意當在檜仲之世國語史伯稱檜仲驕肆急愎加以貪冒其殘民以送可知此詩與萋華皆深悲極痛之語蓋謂人生有知有知適自苦耳民既不樂其生則亦無羨乎為人此所以覩萋楚而興嗟也漢文詔云方春時和萬物皆有以樂生而民獨阡于危亡是言出于上所以為治朝此詩作于下所以為亂世夫所貴乎人者以有知有家有室耳知苦而不恬家散而不聚室悲而不堪則不如無之為樂也

匪風

序思周道衰也

檜之君子行役適周車中即事之詩

匪風發

叶

今匪車偈兮顧瞻周道中心怛兮

賦也發風大起也偈

軒輕不定也回首曰顧仰視曰瞻怛者驚痛也人因風發車偈則恒有驚痛之意既非風發又非車偈對此茫茫不勝神州陸沈之感周道是適周之道路非序所思之周道也

匪風飄

叶

今匪車嘒

音標叶

今顧瞻周道中心弔兮

迴風曰飄風從下而上也嘒飄搖不安之貌弔悲傷也上言怛此言弔先驚痛而後悲傷也

誰能亨

音

魚漑之釜鬻

音

誰將西歸懷之好音

比也漑浣滌也

三足曰釜鬻上天下小大釜也烹魚者必先滌其器
器深則魚鮮安民者必先去其亂亂去則民治漑之
釜鬻有滌去舊染嘉興維新之意一日漑沃之使多
也水寬則魚不壞政寬則民不擾鄒肇敏曰檜為鄭
所滅在東遷之前此詩當屬厲王之世彼時諸侯方
相戒以退避而賦苑柳而此詩獨繫心王室猶真有
朝周者故曰誰將西歸懷之好音誰無定之詞將未
然之詞檜在滎陽周在豐鎬匪風作于夷厲之時周
猶都鎬京故云西歸按好音以仁言布告天下使西
歸者愛戴之如奉天詔書之類此即烹魚釜鬻之意
老子云治民若烹小鮮能字有味毛氏曰烹魚煩則
碎治民煩則散知烹魚則知治民矣李愚公曰君子
讀匪風而知周之衰也猶有憂王
室者也人心之不忘世澤如此

曹

武王封其弟振鐸於曹在兖州陶丘之北雷夏
之野夾于魯衛之間今山東兖州府曹縣荷音哥
俗

唐士雅曰曹風之錄甚似于檜蜉蝣哀吾生之須臾
猶甚楚痛有生之不幸候人之赤蒂徒紫鴈鳩之君
子徒存猶羔裘之美衣服素冠之思棘人下泉之咏
固宜繼匪風而作也 陳氏曰檜亡東周之始也曹
亡春秋之終也
故以檜曹終焉

蜉蝣

序刺奢也

續序昭公國小而迫無法以自守好奢而
任小人將無所歸焉 昭公名玁僖公夷

子

蜉

音浮 蜉

音遊 之羽衣裳楚楚心之憂矣於我歸處

蜉蝣之翼采采衣服

蒲北反

心之憂矣於我歸息

蜉蝣掘閱麻衣如雪心之憂矣於我歸說

言稅叶如字
比也蜉蝣

朝生暮死以此為比其人可知爾雅蜉蝣渠略身上
有甲甲下有翅故曰羽曰翼其羽翼似衣裳故曰衣
裳曰衣服楚楚鮮明采采華飾如雪潔白也刺奢而
言衣裳聚一端耳掘閱說文作堀閱左傳漢書堀與
窟同堀之作掘猶埽之作掃圻之作折从土从手古
文通用閱與穴通莊子遙篇空閱來風管子掘閱得
玉蜉蝣在空穴之中白而且多故如雪也處居處息
安息說猶說駕之說呂伯恭曰曹之賢者憂其君
危在旦夕倘無所依其于我處乎蓋欲如楚芋尹申
亥舍靈王于家之為也彼曹君方潔其衣服志氣揚
揚而賢者已憫之如亡國之人可哀也哉鄒肇敏
曰考曹世系自夷伯以後享國遠者五十餘年或三
十餘年短者亦不下九年今擬之蜉蝣朝不及夕蓋
為曹羈作羈者莊公射姑之世子春秋魯莊公二十

三年冬射姑卒明年冬戎侵曹曹羈出奔陳胡氏以
為微弱不能君故為戎所逐蓋在位日淺無如羈者
想詩人逆知其稅駕無所故為之憂心如是時羈在
喪故曰麻衣如雪而先之以楚楚采采意羈亦如魯
昭公居喪不哀在
戚而有嘉容者耶

倅人

序刺近小人也

續序共公遠君子而好近小人左傳
僖公二十八年春晉文公伐曹數之

以其不用僖負羈而乘軒者三百人
也共公名襄昭公班之子共音恭

彼倅人兮何上

聲戈與殺

音帶都外反又叶恤都律
反从戈示聲俗从衣誤

彼其

記音之子三百赤芾

音弗芳勿反又蒲昧反興也倅人
道路送迎賓客者何負殺受也戈殺

皆短兵所以防衛奸寇周禮候人有上士下士史徒之屬身荷戈殺謂候人之徒屬也彼其之子輕之詞指曹之佩赤芾者芾當作設以韋古者佃漁而食因其皮先蔽前後蔽後後王易之以布帛而猶存其蔽前者不忘本也赤芾大夫以上之命服言候人在官之微賤者既繫籍于公猶各供其事曹叢爾小國彼其之子有何功勞而佩芾至三百人哉歸季思曰小人貧富無足重輕亂邦貴賤不繫賢愚

維鵜

音題

在梁不濡其翼彼其之子不稱

去聲

其服

蒲北反

維鵜在梁不濡其味

音晝陟救反

彼其之子不遂其媾

溝去聲

媾

溝去聲

媾

溝去聲

鵜水鳥喙長尺餘頷下胡大如數升囊若小澤中有魚羣鵜共抒水滿其胡而棄之今水竭乃共啖魚故俗呼淘河形容小人貪酷之狀最為相肖梁魚梁稱相當也服即赤芾味鳥喙遂終也媾媾猶言好合

而相愛按赤芾三百成羣結黨以利合者耳利盡交疎豈能終遂其好合哉言必自相攻也玩首章以貴賤相衡量言候人賤士尚有職業二章三章以人禽相衡量言鵜踞魚梁竊人魚鮮既貪且逸此維鵜則可維字有味彼其之子人也可以人而自同于鳥乎

薈

音穢

今蔚

音畏

今南山朝隤

音賣

婉兮變

音驚

今季女斯飢

比也

薈蔚雲氣鬱蒸之貌南山曹南山也周禮眡祲掌十輝之法九曰隤隤者虹也婉變少好貌小人朋黨相援並進于朝如南山之升雲薈蔚而上莫之能止君子守道困窮于下如幼弱之女雖有飢寒之患婉變自保不妄求人徐玄扈曰薈兮蔚兮非良材也南山朝隤居高位也婉兮變兮變兮邦之彥也季女斯飢士不遇也

鴈鵠

序刺不一也

以淑人君子之一刺時人之不一也

鴈

音尸

鴈在桑其子七兮淑人君子其儀一兮其儀一兮

心如結兮

興也鴈鵠布穀也以此鳥鳴時布種其穀其名凡十有一李氏謂即今之鵠鵠非也鴈鵠

長尾雌雄飛鳴翼相摩拂性一而慈朝自上下暮自下上詩人殆借此以詠君子教養其子使各得其所故曰在棘在梅在榛與統樹無枝者異矣其子七喻子孫之衆多淑人以德言君子以位言左傳有儀可象謂之儀儀者君子之外心通指一身之舉動一則守其常而無奇衷如燕居有燕居之儀朝廟有朝廟之儀無一曰適之象也儀一于外則其心結于內結者拳拳服膺之義晏子狐裘三十年冠萊公青布幃

二十年非好為苦節心各有所用也淮南子曰賈
多端則實工多技則窮心不一也其儀一心如結君
子也
夫

鴈鳩在桑其子在梅

莫悲切

淑人君子其帶伊絲

新賞切

其

帶伊絲其弁伊騏

其帶二句即帶弁間見其儀也帶大帶絲素帶弁皮弁騏馬之青黑色者

言弁色如騏也絲貞素而無他飾騏玄深而無過制帶弁一取于此皆儀之一處

鴈鳩在桑其子在棘淑人君子其儀不忒其儀不忒正

是四國

忒差誤也內外無二故不忒不忒即一也正無回邪也有差誤則有回邪無差誤則無回邪不

忒即正也以為身法則正四體以之為世法則正四國正是四國言四國之正全賴乎此

鴈鳩在桑其子在榛

如字又連

淑人君子正是國人

如字又叶

然

正是國人胡不萬年

尼因反又如字勝降于桑蓋桑萑將熟而就食

月令季春戴

之乃其子各殊其所在者鳩食萑則醉故賦之詩云
于嗟鳩兮無食桑甚正不必聚族于桑為姑息之愛
耳子異處而鳩不移者蓋從其在梅則失其在棘從
其在棘則失其在榛居一以俟之無有不及者若母
無常處則其子不知母所在而飛散矣先言四國後
言國人見四方之遠且則而象之況國人乎思古人
而不見故曰胡不使之萬年壽考朱備萬曰首章即
其儀之一而知其心之誠二章即其服之盛而知其
德之稱三章由其身之修故化有以行于國四章言
由其國之治有福有以裕其身前三章皆美之之詞
末章胡不萬年則祝願之詞也陳茂叔曰心結而佩
一不忒表裏一致也四國國人之皆正遠邇一致也

胡不萬年久暫一致也國人願其年壽之久豈非欲賴其表正之久哉

下泉

序思治也

孔叢子載孔子曰於下泉見亂世之思明君也亂極則思治故終之以下泉而繼

之以
幽風

冽

音列旁三點者从水以潔清為義旁二點者从冰以寒冷為義此冽字當从冰石經从水彼下泉

浸彼苞稂

音愜苦受
即愜反

我寤嘆

歎石經从口叶灘

念彼周京

居良反

比而興也冽寒意下泉泉下流也苞叢生稂童粟也苗秀而不實如童未成人故曰童嘗聞諸農人凡穀種有甲而不拆或不拆而為蟲蟻所傷或有元氣不足者皆不成實俗謂之雄稗稻言其不能生育即童

梁意也。泉之潤物，由仁政之及人。寒冽則不能潤物，在下則不能及物。浸漬則反能害物。浸彼苞稂，是五穀受水之害。爾雅：愾，滿也。其字從心，配氣。愾，畜于心而氣滿也。寤，嘆者悲憤在中，惟寐則稍忘耳。一寤則慨然發嘆矣。想西周盛時，安得有此苦政。勤懷念也。天子之居曰京。周京謂西周鎬京。

冽彼下泉，浸彼苞蕭。

疎鳩反

愾我寤嘆，念彼京周。

蕭，蒿之香者。

冽彼下泉，浸彼苞菁。愾我寤嘆，念彼京師。

菁，及蕭著則與于無草不

菁，美矣。菁，莖草。京，大也。師，衆也。天子之居必衆大，故云京。師，此諸夏根本，惟其陵夷，故小國失所。詩所以寤嘆而念之也。

芄芄黍苗，陰雨膏之。

音告

四國有王，郇伯勞之。

音勞，去聲。芄，芄

風晚田野荒蕪所見惟稂莠蕭蕭之類因思周之盛時五穀熟而風雨時芄芃之黍苗得陰雨以膏澤之四國既有明王又得邠侯為伯以勞來之君臣明良天人相應傷今不復見也埤雅黍苗方黍之苗也暑雨方息無陰雨以覆之日隨蒸焉則苗槁矣將以潤之乃以害之也故詩以陰雨為善邠伯邠侯為州伯者文王之子左傳畢原鄭邠文之昭也竹書昭王六年王錫邠伯命昭王為周室盛衰之際而邠伯以後大抵無復賢伯故詩人係思在此嚴坦叔曰匪風思周而宣王中興下泉思周而周不復興無其人也邠仲輿曰是時晉重耳始霸執曹君分曹地要王饗醴策命為侯伯天下有天子而後有方伯無天子而方伯制命專征伐天下所以大亂故曰四國有王邠伯勞之四國有王是一篇關鍵無明王則伯但借扶王以稱雄耳安得有賢伯春秋書晉侯入曹執曹伯界宋人與詩咏下泉剛詩終曹風義同惟知春秋者

可與言詩故曰詩亡春秋作輔漢卿曰匪風下泉雖
皆思周道之詩然匪風作于東遷之前尚冀周道之
復興下泉作于齊桓之後不復有冀望之意慨嘆想
慕而已 呂伯恭曰匪風下泉思周道之詩獨作于
曹檜何也政出天子則強不陵弱各得其所政出諸
侯則微發之煩供億之困侵伐之暴小國偏受其害
所以惓惓周初為獨切也

幽

幽者后稷之曾孫公劉所居之地在雍州岐山之北
原隰之野即今陝西西安府邠州等處是其地

愚按下泉之後繼以幽者亂極思治禮海者不忘河
周以農事開國而幽者豐鎬之基也終之以幽而復
附以鴝鵒諸什何也流言構禍殷小腆誣敢紀其序
非公精誠達天則成王之疑不釋三監之罪不正周
之為周未可知也然則周家王業公劉創之于前周
公保之于後何其勤劬艱苦厲幽肇亂平王東遷不

能守其故都豈不可為痛哭流涕耶左傳季札觀樂
幽次齊先泰夫子序詩改正于此蓋白日而作周公
之夢矣唐士雅曰嘗讀左氏季子觀樂鄭之後次
以幽而夫子以係變風之末何也文中子言夷王以
來變風不復正矣非周公其誰能正之故幽風之紀
思周公也先之以二南見非文王不能正其始終之
以幽風見非周公不能正其終蓋風之變而
極則將復返而雅故以幽居風雅之間云

七月

序陳王業也

孔叢子戴孔子曰于七月見幽公之所
以造周也按幽公者公劉也造周者周

家王業自是而起也金吉甫曰此幽之遺詩周公述
之以為矇工之頌欲其知稼穡之艱難與小人之依
帝王心法之要端在于此續序謂造變後所作則不
造變獨不可以此陳之耶當流言洵洵之際陳此耕

鑿之語以冀其一悟亦迂腐極矣七月與綿公劉等
詩皆陳先世之迹一列于風一列于雅者綿與公劉
言政事七月言民俗
風雅之體固殊也

七月流火

虎候切

九月授衣

叶

一之日獻

音必

發二之日栗

烈無衣無褐何以卒歲

叶蘇反

三之日于耜四之日舉趾

同我婦子

獎里切

饁

音暍

彼南畝

滿彼切

田畯

音俊

至喜

賦也

章總言首

衣食之預言其略也中四章終為衣褐之意末三章
終為食之意詳其事也以衣食為經月令為緯草木
蟲豸為點綴其時令皆以夏正為斷無非言其因時
感物因時預事而已七月丰柄建申之月首以七
月發端殆作詩之時正值七月也火者大火心星寒
暑之候也火旦中而寒退火昏中而暑退故將言寒

先著火所在大以六月之中見于正南午位當東西之中至七月之昏則下而西流矣九月霜降始寒故家長授家奴以衣使禦寒也一之日四句言授衣之故一之日謂斗建子一陽之日也二之日三之日謂斗建丑建寅二陽三陽之日也變月言日者是月之日也感羌人所吹屠角寒風驟發聲音慘凜如感之發栗果名其房森起有如蜩毛人遇嚴寒毛豎膚粟其狀類此此時而無衣無褐將何以終是歲乎上單言衣而此燕言褐者九月授衣已足十一月以後非褐不煖先以秋冬為言者幽地多寒故豫為禦寒之計于於也報所以入土未所以運報于報於是始修耒耜耒事而備其具也舉趾舉足而耕及時而敏其事也我幽民自謂饑以酒食饋餉也田喜陽惡陰故曰南畝田畯勸農之官即漢時嗇夫之類少壯出而在田故老者率婦子而餉之治田早而用力齊是以田畯至而喜之也此章前段言衣之始後段言食之

始三陰之月陰氣始盛故大寒在冬而禦寒之具豫
于秋三陽之月陽氣始盛故收成在秋而治田之具
豫于春七月之詩一言以蔽曰豫而已孔疏論衣
則舉須衣之時論食則不言時者衣必寒時所須故
可舉寒為戒食則無日不須不可以時言也諸言衣
裳避寒之事則引物記候飲食耕田之事則不記時
候皆此意季明德曰或言日或言月日主陽月主
陰故子丑寅卯辰巳六陽辰皆以日言午未申酉戌
亥六陰辰皆以月言交互成文而天時之始子夏正
之始寅具可見矣顧太初曰四月以後陰漸長故言
月十月以後陽漸長故言日劉公瑾曰堯時仲夏
日在鶉首故昏而大火中及周公時千二百四十餘
年歲差當退十六七度故六月而後日在鶉火七月
而後日在鶉首而昏時大火西流于未方此詩上述
邠俗而七月流火並據周時所見也無衣無褐見
慮事之早于招舉趾見趨事之勤同我婦子見家人

之心一田畯至喜見上下之志通何以卒歲見無衣之苦田畯至喜言耕田之樂衣則言其授衣之後而未及其初食則言其耕田之初而未及其後此行文變化之妙

七月流火九月授衣春日載陽有鳴倉庚叶女執懿筐

遵彼微行叶爰求柔桑春日遲遲采芣苢女心傷悲

殆及公子同歸

自此至五章終首章前段之意首言蠶事為授衣之具故復自七月九月言

之春日三春之日載始陽和煖也倉庚即黃鳥俗名黃鸝又云黃鸝筐竹器所以承葉者蠶工緞之謂遵循也微行桑間之徑柔嫩也桑葉嫩時有大有小揀擇而取故曰求暮春之時日漸舒長故曰遲遲芣苢蒿蠶始生時用花草焙燥令香灑于蠶種則蠶皆出花草中用芣獨多故止言芣苢祁祁衆多也觀女公子

亦為采桑之事則阡陌間無貴無賤勤渠往來可知
傷悲感事苦也殆猶將也及與也公子女公子也女
心傷悲採桑諸女未必皆悲感時觸物或有不能自
已者問女何所悲女亦無所悲也殆與公子同歸耳
此間中點綴之語意味無窮若一執著便句句死語
失風人之旨矣諸侯之女稱公子左傳公女嫁於敵
國公子則上卿
送之此其證也

七月流火八月萑

完音

葦音蠶月條桑取彼斧斨

音鐸七

以伐遠揚猗

音

彼女桑七月鳴鵙

音決圭覓反

八月載

績載玄載黃我朱孔陽為公子裳

幽人處事有豫常于

七月初生者為萑長大為龍成則名為萑初生者為
葦長大為蘆成則名為葦以經織之供蠶事之用即

今之蘆簾上章當春日而求桑為今年授衣計此于
八月而荏葦為明年養蠶計上采桑采蘩乃蠶事之
始此條桑女桑乃蠶事之終蠶事自始至終當更三
月故不言何月而曰蠶月斧隋登身潤而短斲斧屬
方登身斲而長卓去病曰蠶月條桑諸家皆謂始蠶
之月此泥八月荏葦句耳不知三章首二句皆引起
之語八月荏葦與九月授衣其一例也此章是本年
採桑之事實為明年茂桑之計蓋桑以斬伐而後茂
條者桑之標枝今吳中有桑條之語遠揚正桑之條
者採桑必斬取遠揚之枝使老幹不留生意有蓄明
年方得茂盛其不剪伐者惟倚然女桑耳柔桑乃桑
葉之嫩者女桑乃桑樹之小者倚柔態與綠竹倚倚
同義毛云角而束之曰倚孔疏以晉人角之諸戎倚
之為證王雪山曰倚角之倚从才倚彼之倚从才宇
義不同鵲伯勞也形似鵲鵲喙黑倉庚知分倉庚鳴
可蠶之候鵲知至鵲鳴可績之候績緝麻之名衣之

所用非絲則麻此蓋絲事畢而麻事起矣載則也玄
黑而薰赤朱赤色陽鮮明也公子即上章女公子玄
黃以獻之君其朱色之鮮明者女子所尤愛故以為
公子裳不曰衣而曰裳即後世紅裙綠襦之類我字
有味若曰我色尤艷公子其
衣之親昵之情藹然如見

四月秀蓂

音腰於遙反

五月鳴蜩

音條徒彫反

八月其穫

音穫戶郭反

十月隕摯

音託

一之日于貉

音鴝戶各反

取彼狐貉

狸石經作狸力之反

為公子裘

渠之反

二之日其同載績

子管反

武功言私其

縱

音宗子公反

獻斚

音堅又音牽

于公

前言露桑之功雖無所不備猶恐不足以崇寒此復

言狩獵以為褐之事上四句是感時屢變而知大寒
之至下是及時狩獵而盡奉上之忠 四月建巳之

月王介甫曰陽生則言日陰生則言月四月正陽而
言月者何也五月一陰生四月則陰氣萌動矣蓂遠
志也蓂與蜩皆陰類一以味一以聲一親上一親下
各以時而至秀蓂物成之始鳴蜩歲秋之漸獲收禾
也八月非獲時而言獲蓋禾之早者故曰其獲其疑
詞也擇葉之乾者隕落也言天將寒而禦寒宜亟矣
故于十一月于貉以往取禽獸貉師祭也周人將獵
必先祭貉蓋獯將出貉為先導表貉之所在知獸之
所存故祭之也狐解見前狸者狐之類狐口銳而尾
大狸方口而身文往祭貉表因取狐狸之皮為裘此
公子蓋諸侯之子非女公子也為公子裳為公子裘
男女不忘其君若此于貉是民間田獵其同則君民
齊往載再也續繼也承一歲曰縱二歲曰斫邠地苦
寒故詳于裘褐之事武功只是田事莫作講武續武
亦只繼前日于貉之功非謂年年相繼也貉賤而狐
貴故獻其貴繼小而斫大故獻其大此皆邠民無已

之愛孔疏孟冬已寒而仲冬始捕獸者
為來年之用耳凡皮革踰歲乃可用

五月斯螽

音終

動股六月莎

音蓂素和反

雞振羽七月在野

上與

切

八月在宇九月在戶十月蟋蟀入我牀下

叶穹

起弓反

室

珍悉反

熏

許云反

鼠塞向墮

音覲

戶嗟我婦子

切五

曰為

去聲

改歲入此室處

衣裳雖具人當入室避寒故言穹室熏鼠等事以為卒歲之計斯螽莎雞蟋

蟀或以為一物隨時變化而異名非也斯螽即蟀莎雞即蟋蟀

莎雞即絡緯蟋蟀即促織斯螽股鳴故曰動股莎雞

翼鳴故曰振羽蟋蟀注鳴注音畫蟲喙也判然三物皆感陰氣而生者野郊外地也屋四垂曰宇在宇檐

下也外曰門內曰戶在門戶內也在野在宇在戶皆

蟋蟀也觸于牀下句點明古人行文曲折多致雖而

三

不亂若此暑則在野寒則依人物類且然人安得不為之計乎穹室隙處室塞也熏火烟上出隙能生寒而鼠又能生隙故既穹室必入熏鼠令出其窟不得穴居向北窻冬來北風最寒塞之使無隙可以戶南戶墮塗也庶人以葦為門亦通風路塗之使無間可乘于是呼長幼而告之曰我所以為此者為年窮歲極大寒所至將入此室處故不得不綢繆牖戶也十二辰至亥而止復起于子故云改歲古時五叔之宅二畝半在邑二畝半在鄉春夏秋三時在鄉耕種冬月農事已畢天氣嚴寒則避居邑內入此室處入此邑內之室也向來在鄉此室幽閉故須穹室熏鼠等事

六月食鬱及薁

音郁於六反

七月亨

音烹

葵及菽

音叔

八月剥

音撲

棗十月穫稻為此春酒以介眉壽

如酉切此六句三換韻
莫菽一韻
棗稻一

韻酒壽

七月食

如瓜

八月斷壺九月叔苴

音趨七

采

茶

徒音

新樗

救書

食

音

我農夫

自此至末章終首章後跋之意而此章上六句是養

老豐所當豐下是自奉儉所當儉 鬱唐棣之屬 蘊一名雀李一名車下李 葵菜名菽大豆荊粿也 棗米名粟生樹杪最為繁盛不便于採擷之使落故曰刺棗釀于冬成于春曰春酒介助也眉壽年老之人必有長眉飲此酒以助其精神也壺觚也似匏而圓性蔓生披蔓斲之故曰斷叔拾也苴麻子九月初熟拾取以供羹菜茶苦菜樗惡木莊子所謂大本臃腫而不中繩墨小枝卷曲而不中規矩是也薪樗以樗為薪食我農夫以此自養甘于菲薄幽風之厚也何黃如曰按叔亦菽三字古文多混用今別其義季父之稱當作赤孔氏以為从上从小言導行之小是也拾取之義當作叔赤聲从又又手也从草者乃苴名也

取縱為私取斫為公上下之分著矣美者養老惡者自養老幼之分著矣幽之風俗如此食瓜斷壺去圃為場之漸故下遂接言之

九月築場

直羊反

圃

叶布

十月納禾稼黍稷重

平聲說文禾邊从重是重

穆之種字禾邊从重是種藝之種字今以種反為種矣

穆

音六一作穆叶六直切

禾麻菽麥

訖力切

嗟我農夫我稼既同上入執宮功晝爾于茅宵爾

索綯

徒力切

亟

紀力反

其乘屋其始播百穀

此言急趨農事之終以見憂勤

之意場場園屋前空地春夏為圃以種蔬果秋冬為場以收五穀古人之惜地力如此納謂納于場禾稼以下八種皆所納之物禾穀連葉之總名稼禾之秀實者黍稷麻菽麥解已見前先種後熟曰種後種先

熟曰稭麻菽麥並無禾稱故于麻麥之上更言禾以
總諸禾麥收在夏初而亦言于此者因上言納下言
同一歲之收成告終于此故總言之諸穀皆有收謂
之同宮功公室之役古者用民力皆于農隙之時故
田事畢而即有宮功之執由田野而入都邑故謂之
上宮熏塞瑾是治都邑之室于茅索絢是治田野之
廬于往絢絢亟急乘升播種也于茅所以蓋屋索絢
所以縛屋稼方同也即念屋居之當修屋方乘也復
念農工之方始其勤渠若此楊泉物理論稻
梁菽各二十種蔬果之實各二十種共為百穀

二之日鑿冰沖沖三之日納于凌陰

於容切

四之日其蚤

獻羔祭韭

舉天切

九月肅霜十月滌場朋酒斯饗

叶香

曰殺

羔羊躋彼公堂稱彼兕觥

音似

觥

古黃切

萬壽無疆

上言禦寒

此言禦暑

以終一歲之事 藏冰所以備暑而開冰必以仲春
所以順時氣也 沖沖鑿冰聲積冰曰凌凌陰凌之陰
處取冰藏冰在十二月此言納于凌陰在正月者時
東風解凍冰漸消釋故取冰室所藏更納陰處令不
復解泮蚤蚤朝也十二月陽氣蘊伏未發故鑿冰以
達之至二月四陽大壯恐其太過遂開冰而頒之所
以節其過也此裁成天地之道而賓食喪祭因以致
用焉獻羔祭韭為啟冰而祭司寒之神非廟祭也開
冰是春祭故獻羔祭韭禮曰春行羔豚入曰春薦韭
古人言菜之美者曰春初早韭故于春薦韭肅霜氣
肅而霜降滌掃也農事畢而灑掃庭前一歲告成之
象兩樽曰朋饗與享同鄉人飲酒也躋升也公堂幽
公之堂稱舉也兕觥解見周南卷耳疆界限也無窮
盡則無界限可止朋酒斯饗此民間自相慰勞之酒
所謂三時之勞一日之逸因而念其君上相與語曰
吾輩今日之酒皆上之賜也其殺羔羊躋公堂稱兕

純以祝君無疆之壽乎國人以羔羊朋酒自詣公堂
祝君萬壽其禮甚率其情甚真雖在立國之初庶事
草創堂階之分不甚嚴肅然非三代之時君民一體
安得有此風俗 范淳夫曰民生本乎衣食禮義之
所以起孝弟之所以生教化之所以成人情之所以
固也天下之務莫要于此 輔漢卿曰此詩前三章
皆以暑退將寒為言故以七月流火一句為始至四
章則以四月秀萼純陽之月為始五章則以五月斯
蠡動股為始六章則以六月食鬱及萁為始而迄乎
九月叔苴七章則以九月築場圃為始而繼以十月
納禾稼八章則以十二月正月二月為始而終于九
月十月其所舉時月雖若參差不齊而細觀之則有
次第若此 王介甫曰七月之詩以衣食為急而衣
食所資以豫備為貴仰觀星日霜露之變俯察昆虫
草木之化以知天時以授民事女服事乎內男服事
乎外上以誠愛下下以忠事上父父子子夫夫婦婦

養老而慈幼食力而助弱其祭祀也時其燕饗也節此七月之義也徐立扈曰周之王也十六王而武克君之考其積基樹本非有殊猷絕續不過若世間勤儉忠厚之家而已然一家如此其家必興一國如此其國必昌至于和氣浹洽根絲纏綿基厚而難傾根深而不拔卒受代商之命享過歷之祚昔人有言太和在成周宇宙間又曰王道本乎人情嗚呼信其然矣古之君民謫若父子今之產戶莊夫儼若君臣一遇饑饉產戶有催科之擾莊夫有逋竄之苦田野荒蕪獸窮則攬國家從此多事矣

鵠鵠

序周公救亂也

此居東時所作不曰公自明而謂公救亂非知王室大計與聖人深衷者

其孰能言之書曰武王既喪管叔及其羣弟乃流言于國曰公將不利于孺子周公乃告二公曰我之

弗辟則無以告我先王周公居東二年則罪人斯得於後公乃為詩以貽王名之曰鵲鵲

鵲鵲鵲鵲既取我子音無毀我室叶斯子室恩斯勤斯

鬻音子之閔叶氏與斯武比也鵲鵲惡鳥搜鳥子而食喻

我室謂周室鬻養也閔辛勤可憐閔也此詩主意全在無毀我室一語恩斯勤斯二句感慨悲嘆言父母

育子若此勞苦而爾乃聽武庚以危王室此何心也

迨天之未陰雨徹彼桑土音杜綢繆牖戶上聲今女下

民或敢侮予音與迨及徹取也土韓詩作杜方言東齊謂根為土桑土桑根也綢繆猶纏綿也

牖巢之明亮處戶則其出入處也蓋既成之後復補緝以圖萬全之意此章承上毀室而言公之所以儆

戒成王者全在于此曰迨曰今曰或蓋欲王之急于東征也孟子引此詩言莫敢此言或敢孟子言其功効此言其心事

予手拮

音吉

据

音居

予所拊

力活反

茶

音徒

予所蓄租予口卒

瘠

音徒

曰予未有室家

叶姑

拮据

喻言平口交作之貌

拊茶蓄租則

其所作之事拊取茶荏苒也蓄積租日用之需卒盡瘠病也茶以措巢租以聚糴手拮据而拊茶蓄租而口卒瘠交錯言之此章法也曰字申明上四句之意未有室家者以天下愛戴尚淺人心歸附未深也

予羽譙

音樵

消反

譙予尾脩

音消

脩予室翹

初消切

翹風雨所

漂

匹遙切

搖予維

音翳

嘒

譙翹象翹

翹翹托枝弱而危也

漂搖震蕩不安之貌。曉曉叫呼也。將荼蓄租勤勞病
瘁而不辭者。予未有室家故也。奈何既成而復毀之。
乎且非徒手口勞病而已。予羽予尾無不敝壞。皆為
此室耳。而所成之室。又風雨漂搖。安得不曉曉自明。
乎。維字見一生苦心。苦力專在于此。故不忍默。而
已作詩之意。至此始曉然明白矣。數予字可玩。勞
亦予也。病亦予也。惟予而已。無可諉者。維音曉。曉言
更無別法。維有悲痛而已。徐玄扈曰。世變人心愈降。
愈下。伊尹放君民。尚大悅。周公攝政。二叔流言。由周
而下。可勝道也哉。王氏樵曰。鷓鴣四章。蓋極道武
庚之情。武庚之情。既明。則成王之疑。自釋。大誥曰。殷
小腆。誕敢紀其序。曰。予復反鄙我周邦。此武庚之情。
而詩所謂毀室侮予者。皆謂此也。武庚雖包藏此心。
而王室未有釁。則亦安從而發哉。于是流言曰。公將
不利于孺子。此其謀欲使周室先自生釁。後起而圖
之也。而成王果不能無疑。周公于是退避居東。以待

王心之察凡二年而罪人之主名始得蓋奸人雖能為幻于一時久之未有不情見計露者也周公乃究其本謀之所自而託諸鴝鵒以陳于王曰風雨漂搖曰予音哢哢蓋憂在王室而已之鳴不得不急也鴝鵒之詩斷在管蔡未誅之前若既誅而成王尚未知周公之意則王心之蔽深矣豈區區之詩所能回豈自述其勤勞所感動哉茅子順曰周公居東不詳地名蓋反而居魯也時豐鎬西而魯東古者罷相則歸就封國如漢絳侯周勃就國平津侯公孫弘乞骸骨歸國是也鄒肇敏曰據當年情事編詩宜首狼跋次鴝鵒次伐柯九爰然後次東山破谷今鴝鵒東山二篇乃列前簡者殆以為公所自作而他時則周公而作耶

東山

序周公東征也

東征三年而歸勞征士之詩或謂此隨征文士所作周在豐鎬管蔡挾

三監叛其地在王室之東周公征之自西而東故曰東征自風雨之變而公既歸乃承王命作大誥東征一篇之中屢言王若曰又言沖人寧考皆自成王而言可見公之東征王實命之當在感悟而迎公之後也

我徂東山惓

音勿

惓不歸我來自東零雨其濛

叶謨悲切與上歸叶

我東曰歸我心西悲制彼裳衣勿士行

音杭杖

莫悲切與悲叶娟

音娟

娟者蠋

音蜀

烝在桑野

掌與反

敦

音堆回切

都

彼獨宿亦在車

下

叶戶燭宿一韻野下一韻按東山即魯東山魯蓋古之奄國括地志兗州曲阜

賦也此言歸塗之景

縣東奄里即奄國之地書傳管蔡流言奄君教祿父以叛孟子所謂伐奄三年討其君書所謂王來自奄皆指此東山之師而言也王伯厚以東山為衛地乃太行山之東是山東非東山也怕怕久也零落也濛雨貌蒙衣平居之服士鄭箋作事枝如箸結于項下所以止譁蝟蝟蟲微動貌燭桑間小蟲無發語詞敦獨處不移之貌凡言我者皆託言征夫自道我徂東山記其地怕怕不歸言其久我來自東記其還零雨其濛記其時路塗惟雨最苦微雨綿延尤苦此四句即景紀事故再三咏嘆以為起語我東曰歸曰字有味向未言歸乃心敵懷纔提起歸之一字便有無限感慨故身雖在東心已念西而悲少陵詩所謂喜心翻倒極鳴咽淚沾襟也蒙衣行枝二句正西悲意中之事征戍三年衣服藍縷卒生還必須更制但願上衣下裳勿從事于行伍而銜枚也古者車戰止則為營衛故士宿於車下獨宿嘆其無室家也吳人以

抱膝蹲坐為敦敦即獨宿之貌亦字可味桑蟲而在桑野固其所也人而亦在車下安乎不安乎軍士之宿宜在車上今在車下以上載器甲衣糧之故

我徂東山惓惓不歸

與濠一韻

我來自東零雨其濛果臝

力

反

之實亦施

異音

于宇伊威在室蠨蛸

音消

蛸

音梢所交反

在戶

實室

隔句一韻字

町

音挺他頃反

噍

端上聲他短反

鹿場

與行一韻

熠

音揖執反

曜

遙去聲以照反

宵行

叶杭

不可畏

於悲切與懷一韻

也伊可懷

胡畏切

也

此言思家之景果臝枯樓實即其子施蔓延宇屋簷也伊威一名鼠負生于壁下窺底常悲著鼠背故名鼠負今訛作婦蠨蛸小蜘蛛俗呼蟋子在戶結網于戶也町噍廬旁畦壠廬舍無人故鹿游處其地熠

耀螢大也宵夜行飛也伊威蟪蛄等物有何足畏但
廬舍掃除無人久曠為此種蔓延棲息殊可念耳凡
行役之人室廬將近則家事纖悉一一上心此恒情
也士久征復遙想田廬必是荒廢故叙果蠃等物以
志其感慨

我徂東山惓惓不歸我來自東零雨其濛音貫鶴鳴于垤

音迭他
吉反

婦歎于室灑

上鰓之

埽穹窒我征聿至

之曰反此
四句一韻

有敦

音團徒
端反

瓜苦烝在栗薪

叶先又如字
與年一韻

自我不見于

今年

和字又尼因切
鵲仰鳴則晴俯鳴則陰

此言至家之景
垤塚朔地

鵲水鳥似
封大如

塚巢居知風穴居知雨垤塚穴居者也將雨則擁土成
封鵲巢居者也喜水將雨則登垤而鳴行者于陰雨

最苦婦見此念之而嘆洒掃穹室亦為天雨之故洒
掃解見唐風山有樞穹室解見七月正爾洒掃正爾
穹室征夫忽至有天從人願喜出望外按此詩當未
至遙想家中滿懷荒落之景既至而室廬如故風景
依然不勝忻甚但歲月云徂未免睹物傷懷有今昔
之感耳故曰自我不見于今三年瓜苦瓜味之苦者
粟薪粟之可為薪者
敦累繫懸綴之貌

我徂東山惓惓不歸我來自東零雨其濛倉庚于飛熠

燿其羽之子于歸皇駁其馬

滿補反

親結其禕

離羅二叶

九十

其儀

宜何二叶

其新孔嘉

居宜居何二反

其舊如之何

音奚又如字此言至家

之樂 倉庚即黃鳥飛必相隨倉庚鳴嫁娶之候熠
燿即上章所云熠燿熠燿其羽與有鶯其領同一句

法彼謂桑扈之領與鶯相似此言倉庚之色與鶯相似也之子新婚之女婦人謂嫁曰歸黃白曰皇駟白曰駟婦人之悅中母成女施衿結帨親結其褊親自結之也儀嫁資也九十其儀或九其儀或十其儀言其多也其新孔嘉其舊如之何調笑之語意味雋永 范士文曰小雅出車杜勞還帥還役之詩與六月采芑功成凱歌之詩相類以對壘之威武臨戎之車馬照綴其間以輸人心之憤志一時之盛而此詩只詳歸士悲喜之情無一言及東征事者何也變生骨肉實有淒然不可為情者故不忍叙其事不忍述其功中間只以三年二字隱志其不遑寧處之歲月周公之心可謂苦矣 汪氏獻曰管蔡流言未明其所從起則一時是非猶屬茫昧周公未宜遽興師問罪故曰我之弗辟無以告我先王于是辟居東都二年然後是非明白而知流言出自武庚管蔡故曰罪人斯得蓋得罪人之情實也既曰居東則非東征

可知矣其作鷓鴣之詩極言恩勤保育勞勩為甚遭逢外患不得不言蓋避居時所作非與師問罪之情辭也避居東都二年罪人斯得于是大誥東征凡一年則共三年矣故曰自我不見于今三年惟公退讓而避居東都故再言公孫碩膚以贊美之假令公遭流言之變是非之實未明甄假王命以興師孰知而孰信之乎詩人亦安得有狼跋蹇尾之況也鄒肇敏曰觀東山一詩于桑蠋之野處衡宇之淒其瓜栗之延蔓倉庾之耽羽行懷居嘆新嘉故惟凡征人意想所到與其所未到囁嚅而未敢出諸口者靡不種種代為摹寫遐想其時上下交孚惟欣感激有不能自己者後世征戍頻煩兵將之地慙殊痛癢之情阻隔壯士軍前半死生美人帳下猶歌舞求一語撫循不可得矣

破斧

美周公也

東征之士稱美周公也篇中斧曰我斧斨曰我斨其為軍士所作無疑晦庵謂其答

東山之詩則出于有意不見人心之自然矣

既破我斧又缺我斨

音鎗七羊反

周公東征四國是皇哀我

人斯亦孔之將

既破我斧又缺我錡

音奇叶巨何切

周公東征四國是叱

音訛五戈

切哀我人斯亦孔之嘉

居何切

既破我斧又缺我鍬

音求

周公東征四國是道哀我人斯

亦孔之休

賦也斧斨解見七月斧斨所以伐木錡三足釜所以炊爨鍬乃釜鑿之柄皆樵蘇煮爨之

之具非兵器也四國為亂周公征討凡三年其難如此詩人不言介冑蟻虱而言斧斨敵壞蓋不欲深言之也征者上伐下以正其罪也四國管蔡商奄皇張皇驚恐周公奉王命以討四國有震疊之意叱動也即王風尚寐無叱之叱字書適急也迫也不得安寧之象叱深于皇皇猶晝時情事叱則夜以繼日矣道人深于叱叱僅思慮不安道則忙迫極矣此言四國惶怖之象我者軍士自謂斧斨如此破敵四國如此張皇我輩從軍雖為可哀却不甚受苦楚豈非公之撫循士卒有出于投醪挾纊絕少分甘之上者乎字書將養也又扶進也言周公左右之也嘉樂也休安逸也金吉甫曰三叔武庚之畔同于叛而不同于情武庚之叛意在復商三叔之叛意在得周至于奄之叛意不過助商而淮夷之叛則外承應商之聲內據周公之子其意又在于得魯三叔非武庚不足以動衆武庚非三叔不足以間周公淮夷非乘此聲勢

又不能以得魯此所以相撻而起同歸于亂周也當是時武庚挾殷之頑民而三監又各挾其國之衆東至于奄南至于淮夷徐戎自秦漢之世言之所謂山東大抵皆反者也萬尚烈曰周公之教化在西土者雖深在東土者尚淺商之世德其斷喪者固甚其固結者猶存沉武王崩成王幼三國流言武庚商之餘裔儘可借為搖動之隙所以東征之師非破斧斲三年不能奏功也類考武庚之所以叛者何也商家之法兄終弟及武庚習見恐周公遂奪武王之崩而及之耳況管叔兄也周公弟也武王之位管叔宜及之管叔在外周公居攝所以管叔益疑周公而叛也

伐柯

序美周公也

伐柯如何匪斧不克取

同與娶

妻如何匪媒不得

伐柯伐柯其則不遠我觀之子籩

籩石經

豆有踐

上聲

也柯斧柄伐柯伐木以為柯也取與娶同則法也觀
過見也竹曰籩所以承果實木曰豆所以承內羞庶
羞踐謂陳之成行如步武之有序也朱康流曰序謂
美周公斧與媒比周公也伐柯非斧不克以比天下
非周公不治也娶妻匪媒不得以比天下非周公不
親也管子形勢解曰明王之治天下也必用聖人而
後天下治婦人之求夫家也必用媒妁而後家事成
之子謂媒也斧不惟伐柯而已柯之法度亦由之以
出比周公治天下而又能以道教天下也媒不惟通
言而已婚姻定則祭祀之禮亦由之以成比周公親
天下而又能以禮制天下也鄭箋伐柯之道惟斧
乃能此以類求其類也以喻成王欲迎周公當使賢

者先往媒者能通二姓之言定人室家之道以喻王
欲迎周公又當使曉王與周公之意者先往伐柯娶
妻以喻迎公斧與媒喻二公也言三人同功一體之
人周公歸則二公亦安君臣相遇惟陳其籩豆相對
燕飲而已亦何嫌疑之有哉沈子起曰按金縢一
篇武王弗豫欲為王穆卜者二公也公聞流言避位
居東所與相謀者二公也風雷告變起金縢之書問
百執事者二公也王出郊親迎命邦人起所偃禾者
二公也二公召公太公也當時惟二公知公之心公
之所以得去去而泰然無恙者皆二公力也然則通
君臣之懷釋讒間之疑彌縫周
旋為王迎公無如二公者矣

九罍

序美周公也

傳周公歸于周魯人欲留之弗克賦九
罍此詩在成王迎公時非公初居東

也時

九罭

音域

之魚鱗

才損反

魴

音房

我觀之子衮衣繡裳

興也

魚

曰罭九罭九囊網也毛以為小網諸家或以為大網郭璞言有百囊網則九囊不得為大鱗目中一道赤

橫貫其中魴即鱖也皆魚之小者時成王以命服迎周公魯人僻陋未嘗見此故以九罭自比而為此驚

喜之語想見一時人心扶老攜幼舉手加額相顧誇詡之狀之子謂來使衮衣衣之畫卷龍者天子之龍

一升一降上公但有降龍繡五采備也太平御覽罭取蝦蚶蚶蝦蚶之微細者

鴻飛遵渚公歸無所於女信處

鴻飛遵陸公歸不復於女信宿

此二章詩之所謂反興也高平曰

欽定四庫全書

卷三

陸鴻不木棲不予渚則于陸遵渚自北而南南多洲渚是得其所也故以興公歸無所無所謂不能安其身也鴻又北方之鳥遵陸自南而北北多平陸是復其故地也故以興公歸不復不復謂不復其故位也彼時公以流言負謗避嫌居東一旦來迎東人且悲且喜且疑且信故曰公歸而無所公歸而不復則但于女地為信處信宿之留仍來吾地可也一宿曰宿再宿曰信女謂來使也埤雅鴻之為物其進有漸其飛有序又其羽可用為儀君子之道也

是以有袞衣兮無以我公歸兮無使我心悲兮

此袞衣即首章

之袞衣是以有袞衣上疑有脫簡言此命服之來必有一因緣是以有此蓋疑其未必出于誠然也無以我公歸則直陳縫紵之情無使我心悲所慮深矣

狼跋

序美周公也

流言之謗方興成王之疑未解周公避位居東處之不失其常故詩人美之而

作此詩

狼跋其胡載蹇

音致又音帝

其尾公孫

音遜

碩膚赤舄

音昔

几几

胡膚隔句一韻尾几隔句一韻 賦也狼解見齊風跋蹇也胡頷下懸肉載則蹇踳也狼善顧盖多慮之物或進而蹇其胡或退而踳其尾此非以狼擬公不過言其進退維谷之意耳公避位東居所謂遜也碩大膚肌膚也禮記云四體既正膚革充盈人之肥也是所謂碩膚也赤舄冕服之舄複下曰舄禪下曰屨几人所憑以為安几几安也進退自如不異于在朝之委蛇也 嚴坦叔曰凡人居利害之變舉止不安

其常懼者或至于喪屢喜者或至于折屣詩以几爲形容此爲善觀聖者

狼竄其尾載跋其胡公孫碩膚德音不瑕

洪孤切德音名譽也瑕

玷也大舜謂女惟不矜天下莫與女爭功使周公有一毫好名之心便有無天下莫與女爭功使周公有一毫好名之心便有無數矜持便有無數瑕玷德音能如是完美乎蘇子由曰周公之輔成王亦多故矣二叔流言以病其外成王不信以憂其內人之視公如視狼然前憂其蹏胡而後憂其踣尾也周公居之從容自得而二患皆釋人徒見其赤舄几几然安且閒而不知其解患釋難之方也文中子曰美哉公旦之爲周也外不屑天下之謗而私其跡曰必使我子孫相承而宗祀不絕也內實達天下之道而公其心曰必使我君臣相承而禍亂不作也深乎深乎安家者所以寧天下也存我者所以厚蒼生也鄒肇敏曰易明夷之彖傳曰

內文明而外柔順以蒙大難文王以之內難而能正其志箕子以之甚矣彖傳之言似周公也由今觀公之事沖人雖不若文箕之事暴主厄亦未至于羑里辱亦未至于囚奴顧當時流言鼎沸禍且不測即其精誠可以告先王而不能顯白之幼主且天下之人何可門到戶說使皆坦然耶遜而居東國即柔順蒙難之家法也此詩正公初遜魯之際與九罏篇並次鵠鷄東山後者以魯人所作不當先于公所自作耳毛詩編此于末簡外矣王守溪曰文王囚于羑里而演易自如孔子厄于陳蔡而絃歌不絕其心一也是故流言四國人以爲公懼風雷變驚人以爲公喜而公之爲公一而已矣崔仲鳧曰夫子序詩首二南若曰始基之矣風終以幽若曰既成而昌之矣是反十二國之變慰曹檜之思開小雅之治世道所以不終窮者其在周公乎其在幽風乎樓大防曰周公雖進退不可何至如狼之改竄先儒以狼改竄不

失其猛興周公不失其聖獸之猛莫如虎豹何獨取
狼比興必以類而豺狼豈可形聖人乎程氏云狼貪
猛求欲陷于羅罟進退固險詩人取之以言狼之致
禍難者貪欲故也若周公雖危疑之地安步舒蘇赤
罵几几其然詩中無羅罟之意嘗得于蜀少卿楊氏
望曰狼遇人先旋遠其四旁奔跳甚疾人為之戰懼
自失然後食之詩蓋以狼之跋扈比
四國而周公處其中下懼也附錄

待軒詩記卷三